

# Jon

---

**1** <sup>1</sup>Fun lo mok Anut mel fidian ta idiri na dugo, Ru inj yen la ya. Inj Anut da dumado ya, agod Ru mi insen Anut. <sup>2-3</sup>Inj Anut ida dumadog, inj lo mel fidian dilasag dien da. Ta inj dal sen ta lo ilasa man tia geig a. <sup>4</sup>Inj lo kumaen yen da, an lo mel fidian kumaen diñane ya, agod kumaen an tamolpein lo lilaman igane ilasa da. <sup>5</sup>Lilaman an tidom tubun lo ided da, agod tidom tubun an lilaman ituani san tia ya.

<sup>6-7</sup>Aria, Anut tamol ta iganeg imug ilasa ya. Inj yañan Jon dubol da. Inj ipalug, lilaman san ru fun an tamolpein fidian ikubiai ipidinaip, duloñ pe, ilod lo rumok san. <sup>8</sup>Ak man Jon insen lilaman amaiak tia ya. Inj lilaman an niñen ru an ibol ilasa dop duloñ o ipalu ya. <sup>9</sup>Lilaman a lilaman mok an, tan na idup tamolpein fidian lilaman ipidinai o ipalu ya.

<sup>10</sup>Inj lo mel fidian dilasa ya, agod inj tan en lo kuai isig imado la yak bo man, tamolpein diñaon geig a. <sup>11</sup>Insinanen tan lo ipalu ya, ago gug muroun muroun an inj diñane man dumoi. <sup>12</sup>Ak man tamolpein a inj diñane yan, agod inj yañan tubun ak ilod lo rumok an fidian, Anut nanun dilasa san dabai inj ipidinai a. <sup>13</sup>Inj tinad tamad sad dar lo, tia, tan san kagin lo, tia, tinid san kagin lo, Anut nanun muroun dilasa man tia ya. Tia, Anut sen iginiaig, iñanen nanun muroun dilasa ya. <sup>14</sup>Ru an tamol nuñon ilasag kuai isi a. Agog inj mañ luluñama lo ida mumado na ya. Rumok, Bai Anut iñanen Nanun kisaek o lian idinig ipalu ya, ago dugo Nanun an san girager tubun ak mile ya. Ilo panek inj ru rumok da inj tinin iñanefute ya.

<sup>15</sup>Aria, Jon malak malak inj niñen o igo ibol iwagin, “Tamol emaiak niñen o ñai ñurupaiañ go aloñ na ya. Tamol a ñai patug fo ipalu dan, ñai iriñanag dugo ñaisag malan te yak imado da. Man ata wo, wagam mi ñai ta ñilasa na yan inj imado la ya.” <sup>16</sup>Insan ilo muñanek tubun mok inj lo awan isa ya, an lo binawek wei mi an iñanen banin dibiseig id fidian tiñane na ya. <sup>17</sup>Man dugo, Anut id Moses banin lo kubiaen ipanad a, gug ilo panek inj ru rumok da man, Jesus Kristus lo mi ipanad a. <sup>18</sup>Tamol ta Anut kitek ile man tia geig a. Gug Anut a kisaek o lian an, Taman girañen na imado na ya, inj tan na ipalug Taman ikubiai panad go taloñ a.

**Jon Suguek san, ru kuai te ifulale ya***Mat 3:1-12; Mak 1:1-8; Luk 3:1-18*

<sup>19</sup>Jon ru e Jesus ninen o ibol ilasa yen man igo ya. Saen Juda gurman adi a Jerusalem na dumado dan pris aenta, Liwai adi da didinaig Jerusalem dubuseig diaug, Jon fun dulonj o dusumianig dubol, “Onj enti i?” <sup>20</sup>Agog Jon ru kuai tem irupidaig dulonj a, inj enti mok an ta itot na ya. Inj igo ibol, “Injai man Kristus tia ya.” <sup>21</sup>Ago tag inj dusumianig dubol, “Ak onj enti i? Onj dag profet Elaija wagam na yak fon palu boi?” Ak man inj ibol, “Man tia.” An ninen o inj fon dusumiani, “Onj dag profet a Anut ninen o ibol amaiak boi?” Gug inj ibol, “Tia ya.” <sup>22</sup>An ninen o inj dusumiani, “Ago tap, ubol pe malonj, onj enti mok i? Manj tamol didinamag mupalu yan ata ru ta murupidaip dulonj ak i? Onj onse nige wo dugo ubol dak i?” <sup>23</sup>Ago gug Jon profet Aisaia awan aban injaneg igo ibol, “Injai man tamol ta aben kawan ak ate iwaginj emaiak san awan njisiaig njuwaginj da, ‘Tubun en injanen dal akubune apani!’ ”

<sup>24</sup>Farisi adi lulunjad lo tamol aenta imug didinaig dupalu dugo, tamolpein dida dutur a. <sup>25</sup>Inj dam Jon dusumianig dubol, “Onj Kristus, tia, Elaija, tia, Profet mititiani den dam tia yak ubol dan, ago tap, ata wo tamolpein suguek pidina i?” <sup>26</sup>Jon awad yabig igo ibol, “Injai tamolpein you lo mi njusuguai da. Gug tamol ta anj lulunjam lo itor dak anj ta alonj na da. <sup>27</sup>Tamol an inj nai patug fo ipalu da, gug inj nai irinjanag a. Injai seg iliag dak man, nai injsan sendal njupasi san ta idaisuda na ya.” <sup>28</sup>Saen an lo Jon panu Betani na imado dugo, you Jordan aen ate injanen suguek urat igane se ya. Panu ante kulob an fidian ilasa ya.

**Jesus man Anut san Sipsip Nanun**

<sup>29</sup>Agog dien dumasag nal tinin te yan, Jesus imasag Jon san na ipalu dugo, Jon malan yang ile, agog ibol, “Ale dak, an Anut san sipsip nanun ipalu da. Inj ipalu dan lo, tan en san tamolpein sad kagin saiak fidian iragali pidina i a. <sup>30</sup>Injai gubak mi tamol nek amaiak ninen o njabol a. ‘Tamol ta inj nai patug fo ipalu dan inj nai irinjanag go njaisag tamol malan te yak imado da. Man ata wo, wagam mi nai ta njilasa na yan inj imado la ya.’ <sup>31</sup>Injaiseg man gubak mi inj tamol dugo yan ta njalonj na ya. Ago yak man nai njupalug, tamol amaiak Isrel tamolpein njukubiai pidinaip dile dulonj o, you nam njusuguai se ya.”

<sup>32</sup>Agog Jon mel a ile yan ninen igo ibol, “Injai Urgun kumaen panu ibiseig idu dugo njile ya. Injsan leil man nek ibol muluk onj idug Jesus gumuran fo imado dugo njile ya. <sup>33</sup>Injaiseg man imug inj tamol dugo yan ta njalonj na ya. Gug Anut enti tamolpein you nam njusuguai o idinag go njupalu yan, injsen irupaiag go ibol, ‘Onj Urgun ule dop idup, tamol ta tinin fo imado wa. Tamol nek an inj tamolpein Urgun lo isuguai a.’ <sup>34</sup>Injai

ɲile ɲaloŋ la ya, an lo ɲai iŋ niŋen o ru ɲabol ilasa da, tamol en iŋ Anut Nanun mok a.”

**Jesus megeloum malan malan iŋal a**  
*Mat 4:18-22; Mak 1:16-20; Luk 5:2-11*

<sup>35-36</sup>Nal tinin te yan lo, Jon san megeloum uraru iŋ dida dutur dugo malad yaug, Jesus yau dugo dile. Jon Jesus ile tag megeloum irupudai, “Ale dak, on Anut san sipsip nanun, tamolpein ibinawai o ipalu ya.” <sup>37</sup>Megeloum uraru an ru ago duloŋ tag, diaug, Jesus ɲien aban diri se ya. <sup>38</sup>Agog Jesus idanŋsag, uraru an yil tag irupudai, “Aŋ ata mel o aban abi di?” Agog uraru an awan diabig dubol, “Rabbi (en fun man girek maŋau) oŋ ab dugon te mado di?” <sup>39</sup>Agog Jesus awad yabig ibol, “Aŋ apalup ale.” Ago tag iŋ dida diaug, ab a ate imado dan dile ya. Nal an gurai idu ya, ago tag iŋ dida atna dumado yaug tidom idu ya.

<sup>40</sup>Megeloum uraru Jon awan duloŋ go Jesus da diau an, neinta yaŋan Andru, Saimon tein. <sup>41</sup>Iŋ Jesus ibiseig ririan yaug tein Saimon abanŋan yabig, ileg irupe, “Maŋ Mesias mile la ya.” (Yaŋak Mesias fun man Kristus.) <sup>42</sup>Agog tein Saimon iŋaneg, ida dumul Jesus san na dupalu. Jesus malan ti ibol Saimon ileg irupe, “Oŋ Saimon, Jon nanun. Gamu ɲai oŋ yaŋa sen ta Sifas ɲupate da.” (Grik ru lo Sifas fun man Pita dubol da, an “pat” iŋo woŋ a.)

**Jesus Filip iŋ Nataniel da isu a**

<sup>43</sup>Dien dumasag, Jesus distrik Galili na yau o ilo sou igane ya. Iŋ Filip ileg irupe, “Oŋ ɲai da tau a.” <sup>44</sup>Filip iŋ panu Betsaida dubol dan san tamol, an iŋ Andru Pita da sad panu kisaek a. <sup>45</sup>Filip Nataniel abanŋan yabig ileg irupe, “Maŋ tamol a Moses iŋ profet dida niŋen o dubol dugo, girek lo digire emaiak mile la ya. Iŋ Nasaret tamol, yaŋan Jesus, Josef nanun.” <sup>46</sup>Agog Nataniel ibol, “Mel uyan ak ta Nasaret na ka ilasa wak i?” Gug Filip ibol, “Oŋse palup ule.”

<sup>47</sup>Agog diau dugo, Jesus Nataniel iŋsan na ipalu dugo ile tag, iŋ niŋen o igo ibol, “Ale, an Isrel tamol mok. Iŋ ilon lo kagin sewak ak ta yen man tia geig a.” <sup>48</sup>Ago tag Nataniel isumianig ibol, “Oŋ dugudo woŋ ɲai fug ulon i?” Agog Jesus awan yabig igo ibol, “Filip oŋ gamugo igio dugo, oŋse gurab dabin fo mado dugo ɲilio ya.” <sup>49</sup>Ago tag Nataniel irupe, “Girek Maŋau, oŋ Anut Nanun mok a, oŋ Isrel sad Kiŋ.”

<sup>50</sup>Agog Jesus ibol, “Iŋai oŋ gurab dabin fo mado dugo, ɲilio ɲabol an niŋen o oŋ ilo lo rumok i? Ulon ak, murnap oŋ mel tubun geig ak mel en iriŋani an ule ulon a.” <sup>51</sup>Jesus fon irupudai, “Iŋai rumok nuŋon mi ɲurupaiaŋ da. Murna dop Anut kumaen panu awan ipasip, aŋ malam yaup, Anut san eŋel adi Tamol Nanun san na dusuda dudu dop eil a.”

**Jesus you ibileksag wain ilasa ya**

**2** <sup>1-2</sup>Nal uraru yau gug, panu Kana Galili distrik lo ante nug ɲanek san soubul digane. Jesus tinan ab an lo imado dugo, Jesus san

megeloum dadi digiaig dupalug, nug naneek san soubul an lo dumado ya. <sup>3</sup>Nug naneek san soubul an diani diluk yaug you wain itout. Ago tag Jesus tinan imasag nanun irupeig ibol, “Injad you wain itout a.”

<sup>4</sup>Ago tag Jesus tinan irupeig ibol, “Nei, ata wo onsa tini ganei naji lo gane dak i? Najisag saen gamugo da.” <sup>5</sup>Aria, tinan yaug urat pinein irupudai, “Urat biabi fidian irupaian dop, awan ari apani.” <sup>6</sup>Ab an lo bod tubun tubun ak 6 dutur dan ate you disirip, Juda sad kagin lo mi njed banid dufulani da. Bod kisaek kisaek an ate you 90 lita boi, tia, 140 lita boi, ago lo you disiraip dien da. <sup>7</sup>Aria, Jesus urat pinein sad na yaug irupudai, “Bod an ate you asiri idup awad isa wa.” Ago tag inj ibol ak atem ago digane ya. <sup>8</sup>Agog Jesus irupudaig ibol, “You an ta awalip asini aup, soubul san gurman apani.” Ago tag inj you an disinig diaug dupani a.

<sup>9-10</sup>Agog soubul gurman an you a ibileksag wain mok ilasa yan iluk ile ya. Ak man kulob an fun ta ilon na ya. Urat pinein a you disiri an inj dulon ak man ta durupeil lon na ya. An njinen tamol an nug naneek san pinein an iwagig ipalug irupeil, “Idsad tamol kagin man igodo ya. Wain uyanan mok ak imug doup tupidinaip duluk itout gup, murna wain kitek saian an tupidinai diluk da. Dugodog on ago ta gane na i? On wain uyan ak ilo isig yen gug gamu sini palu ya.”

<sup>11</sup>Kulob girager en Jesus san urat malan malan Galili distrik lo Kana panu na igane ilasa ya. An lo injan yanjak tubun ak san dabai inj lo yen dan kuai isig, injan megeloum dileg, inj o ilod lo rumok a. <sup>12</sup>Soubul an itout gug Jesus imasag, tinan, tein muroun, injan megeloum isug, dida panu Kaperniam na dudug, ante kitek dida dumado ya.

### Jesus Tempel lo yau a

*Mat 21:12-13; Mak 11:15-17; Luk 19:45-46*

<sup>13</sup>Aria, Juda sad tumanek tubun ak, Pasova dubol dan san saen sumeik tag, Jesus imasag Jerusalem na yau a. <sup>14</sup>Inj yaug tempel san tumanek aben ilon lo iladug, makau, sipsip, anakanak a didaen lo digane yau imul se yan yil a. Aenta badim fo moni patun dibileksa dibilekla dugo yil a. <sup>15</sup>Ago tag Jesus rasau ipideg sen nam tamolpein fidian ifu ikudai dugo, makau, sipsip dam ikudai kuai te dilasa ya. Agog tebol an moni aman da ikulmaek idug, moni iratitaleg ifurak yau a. <sup>16</sup>Ago gug tamol anakanak didad se yan irupudai, “Ananem mel en fidian asup alasa. An njaineg Bai san ab en ananep daden aben igo ta agane na wa.”

<sup>17</sup>An njinen o injan megeloum ru ta Anut san buk lo digireg yen dak ilod isou. Ru an igo ibol, “Injai onane ab ilog njupani mok da, an njinen o naji ilog saian dugo bubeg wananan geig da, an lo kankan an naji ilog yabi sakar dugo iduduwig da.”

<sup>18</sup>Jesus ago igane dugo Juda gurman dileg, dumoi go dubol, “On ata kulob girager ta ganep man milep malon ak, on en so dabai ta lo igo gane

dak i?” <sup>19</sup>Ago tag Jesus awad yabig igo ibol, “Ŋai ubou ab en ŋititale gup, nal utol lo mi fon ŋususe da wa.” <sup>20</sup>Agog Juda adi Jesus durupe, “Ab en anajar 46 lo diabig itout a. Gug gamu oŋ en nal utol lo mi wabisa da wo ubol dak i?” <sup>21</sup>Ak man Jesus ubou ab niŋen ibol an, fun man iŋsen tinin niŋen o ibol a. <sup>22</sup>Ago yak niŋen o saen Anut Jesus materj lo ifufunig fon kumaen imasa yan lo, iŋanen megeloum dileg ru a wagam mi Jesus iŋsen ibol an ilod isou. Agog ru girek a Anut san buk lo yen dan, agod ru a Jesus ibol an dam, ilod lo rumok a.

<sup>23</sup>Jesus tumanek tubun Pasova dubol dan san saen lo, Jerusalem na imado dugo, doup tubun an iŋanen kulob girager igane yan dile tag, iŋ o ilod lo rumok a. <sup>24</sup>Ak man Jesus iŋsen iŋanen tini ganei tamolpein an lo ta igane na ya, man dugo, iŋ tamolpein an fidian ilod ilon fufei a. <sup>25</sup>Tamol ta kankan naok dugo yak a tamolpein bubed lo yen dan niŋen, Jesus ilon o kuai te ibol ilasa san urat aman tia ya. Man dugo, Jesus sen, kankan a fidian tamolpein ilod lo dien dan ilon pasik a.

### Jesus Nikodemus ida diŋiŋen a

**3** <sup>1</sup>Farisi sad tamol tubun ak ta yaŋan Nikodemus. Iŋ Juda adi sad gurman ta, agod Juda sad kaunsil malan te yak lo yaŋan yen da.

<sup>2</sup>Tamol an tidom ta lo Jesus san na yaug, irupe, “Girek Maŋau, maŋ malon ak Anut oŋ idinog maŋsama na girek maŋau igo palu ya. Man dugo, tamol enti a Anut ida dumado dan mi, kulob tubun tubun a oŋ gane dan iŋ ka igane wa. Iŋ Anut san tia dop man, urat a gane dan igane san tia ya.”

<sup>3</sup>Jesus awan yabig igo ibol, “Ŋai rumok nuŋon mi ŋurupaio da. Isop tamol ta foun ta ilasa na tap, Anut san kagin panek aben ile san tia geig a.” <sup>4</sup>Ago tag Nikodemus awan yabig ibol, “Dugo won pe tamol iŋ tinin tamol igane la yak afon foun ilasa da wak i? Nag fon tinan tiŋaen lo ka iladup, nanuk igo won tinan igansi wak i?”

<sup>5</sup>Jesus ru naon irupeig ibol, “Ŋai rumok ŋurupaio da. Isop tamol ta you iŋ Urgun da lo kumaen foun ak ta iŋane na tap, Anut san kumaen panu ilon lo ta iladu na wa. <sup>6</sup>Mel tinik lo ilasa man tinik san mel mi a, nek ago mi, mel a Urgun igane ilasa dan iŋ ur san mel a. <sup>7</sup>Gug oŋ foun lasa wo ŋabol dan niŋen o oŋ masa saian umoi. <sup>8</sup>Tim man iŋsen iŋanen ilon ibol ak lo yau imul da. Ago dop tim an liliŋan mi ulon da. Gug iŋ dugon te ipalug dugon te yau dan, oŋ ta ulon na ya. Tamol a Urgun iganep, foun ilasa dan nek ago mi a.”

<sup>9</sup>Nikodemus isumianig ibol, “En dugo won mok ilasa wak i?” <sup>10</sup>Agog Jesus awan yabig ibol, “Oŋ man Isrel lulunad lo iŋsad girek maŋau mado ya, ago gug, ata wo mel an fun ta ulon na ubol di? <sup>11</sup>Rumok nuŋon mi ŋurupaio da. Maŋ mel a malon an niŋen o mi ru mabol da, agod maŋ mel a maŋsema malama nam mile yan mi tamolpein naod na mabol ilasa

da, ago bo man aŋ tamolpein maŋanema ru aŋane wan amoi da. <sup>12</sup>Ŋai tan san kagin niŋen o imug mi ŋurupaiaŋ a, ak gug aŋ ilom lo ta rumok na ya. An niŋen o, dugo, ŋai fon kumaen panu san melmel an niŋedi wo ŋurupaiaŋ dop man, an dugo woŋ pe aŋ ilom lo rumok ak i? Man tia geig a. <sup>13</sup>Tan en san tamol ta kumaen panu lo iladu man tia ya. Tamol Nanun iŋ mi aben an lo iladu ya. Man dugo, iŋanen fun panu man tan en san tia ya, tia, gubak mi iŋ Anut da dumado gug, kumaen panu ibiseig idug tan na ilasa ya. <sup>14-15</sup>Wagam Moses Isrel adi dida aben kawan ak ate dumado dugo mot dilasag, tamolpein diratai se ya. Ago yak niŋen o Moses ai igunig, mot mitilaen ta yabisag isuŋani a. Talpein mot mitilaen ile dan, imat san tia ya, tia, kumaen imado ya. Nek ago mi Tamol Nanun diabisap duŋuŋani wa. An niŋen o tamolpein a fidian ŋai o ilod lo rumok dan, iŋ kumaen pempem san diŋane wa.

<sup>16</sup>“Anut iŋ tan en san tamolpein niŋedi wo imat, an niŋen o iŋanen Nanun kisaek o lian an ipanad a. An lo tamolpein iŋ o ilod lo rumok tap, ta dideg diau na wa. Tia, iŋ kumaen pempem yen san diŋane wa. <sup>17</sup>Man dugo, Anut iŋanen Nanun tan na iŋaneg ipalu yan, iŋ tamolpein bitinaek lo idiraip naon muruan ipidinai wo ta ipalu na ya. Man tia. Iŋ ipalu yan lo tamolpein patud ipasi dop, pitininek aben lo ta diau na wa. <sup>18</sup>Enti iŋ o ilon lo rumok dop man, Bitinaek Tamol iŋ muruan ta ipani na wa. Gug enti iŋ o ilon lo rumok tia yan iŋ ideg yau san dal lo imado la ya. Man ata wo, iŋ Anut Nanun kisaek o lian an niŋen o ilon lo ta rumok na ya. <sup>19</sup>Bitinaek Tamol yil saian man fun igo ya. Lilaman tan na idu la ya, ago gug tamolpein lilaman an patud dupani dugo, tidom tubun lo dumado wo dumat da. Man dugo, iŋ kagin saiak saiak mi digane wo dumat da. <sup>20</sup>Tamolpein kagin saiak digane dan iŋ lilaman dumoi go san ager dumado da. Iŋ lilaman lo dupalu san dumoi, man dugo, kabelan iŋaned kirem saian an kuai te ilasa banau. <sup>21</sup>Gug talpein a iŋ kagin rumok ak igane dan iŋ lilaman lo ipalu dop lo iŋsan urat uyan ak walal te ilasa wa. Ago dop tamolpein a talpein an leil dupani dan, iŋ dile duloŋ ak, talpein an Anut san dabai lo iŋsan urat fidian igane da.”

### **Jon Suguek san iŋ Jesus fun kuai ipani a**

<sup>22</sup>Aria, murnag Jesus megeloum dida dumasag, Jerusalem dubuseig, Judea aen ate diaug, ante dida kitek dumado dugo tamolpein suguek ipidinai. <sup>23</sup>Ago dugo Jon dam sasau Ainon dubol dak ate, aben Salim sumeik an, ante imado dugo tamolpein iŋsan na dupalug you lo isuguai se ya. Man dugo, you kuror ak aben ante dien da. <sup>24</sup>Saen an lo man gurman Herod iŋ Jon subanek lo gamugo igane ya. <sup>25</sup>Aria, Juda tamol ta ipalug, Jon san megeloum dida Juda sad you sugug kagin niŋen o fun diganeg nug dupei. <sup>26</sup>Ago tag Jon san megeloum diaug durupeig dubol, “Girek maŋau ule, tamol a gubak mi oŋ iŋ da you Jordan aen ate amado

dugo, in ninen o ru fulale amaiak, in tamolpein suguek ipidinai dugo fidian inſan na mi diau da.”

<sup>27</sup>Agog Jon ru naon igo irupidai, “Uyan, talpein ta inſinan dabai lo mel ta inane san tia ya. Tia, in binawek Anut kumaen panu lo iganeg idu an mi ka inane wa. <sup>28</sup>Ansem gubak mi nai ru kuai te nabol ilasa dugo alon la ya. Nai Kristus tia ya. Ago yak man nai Anut sen idinag go Kristus naon na nanug npalu ya. <sup>29</sup>Tamol ta in pein da nug dinane tap, pein an tamol an san. Go tamol sen ak turan an patun fo sumeik itur dan inſan turan an awan ilon, an ninen o ilon uyanan geig a. Nai man Kristus san turan, tamolpein inſan na diau dan Neil dop, ilog uyanan geig da. <sup>30</sup>Ago yak ninen o in nanan tubun mi imasap yau dop, nai nanag ka idu wa.”

<sup>31</sup>Tamol in lak nag idu yan in nanan tubun geig a, mel fidian in paen na dumado da. Tan en san tamol man in tan en san ru mi ka ibol ilasa wa. Gug tamol a kumaen panu log idu yan man fidian irinani a. <sup>32</sup>In mel a fidian yil an, agod mel a fidian kududon ilon an dam, tamolpein naod na ibol ilasa da. Ak gug inſan ru tamolpein an fidian irinani yau on dugo, dulon o dumoi. <sup>33</sup>Gug talpein enti ru an inane yabi sakar dan, kulob an lo ikubiai tile yak inſan ilo rumok igo ya, “Anut san ru an ru rumok.” <sup>34</sup>Man dugo, Tamol a Anut idinig idu yan, in awan Anut san awan aban mi ininon da. Ata wo? Anut in Ur kabelan ka Tamol an ta ipani na da, tia, inſan Ur tubun mi in lo awan isa wa. <sup>35</sup>Bai inanen Nanun o tubun mi imat go, mel fidian in banin lo idiri a. <sup>36</sup>Ta in Anut nanun ilon lo rumok tap, in kumaen pempem yen san inane la ya. Gug in a Anut Nanun patun ipani dan, in kumaen pempem yen san ta ile na wa. Man ata wo? Anut san tinai saiak in lo yen da.

### Jesus Sameria pein ida dinon a

**4** <sup>1-3</sup>Jesus tamolpein wei mi inſan na dupalug inanen megeloum dilasa gug isuguai a. Tamolpein a Jesus isuguai se yan san sutek man Jon san irinani a. (Jesus inſen tamolpein ta isuguai na ya. Tia, inanen megeloum mi urat an digane ya.) Farisi adi Jesus dugo igane yan dulon, an ninen o ta in Jesus irupei ilon. Ago tag in Judea ibiseig fon imul Galili na yau o turen yabi a.

<sup>4</sup>Dal an Sameria dumado dak titinaem idug yau a. <sup>5</sup>In yang Sameria sad panu ta, nanan Sikar dubol dan ate ilasa ya. Aban an tubud baged Jakob nanun Josef tan ipani an siniren na sumeikan a.

<sup>6-8</sup>Aria, Jesus turen yabig yau do nad ad titinae mi an in urei ifuni gug, you gib an fun na ilasa ya. Gib an Jakob san you gib dubol da. In yaes ibal o imasig imado ya. Gug inanen megeloum man in anan didad o panu na diau la ya, agod Jesus mi inſen kisaek imado. Agog Sameria pein ta you gib an isiri wo idu nad Jesus ile ya. Jesus in you o imat saian tag, pein an irupei, “You kitek sirip panag naluk.”

<sup>9</sup>Juda iŋ Sameria da man nug lo siai dumado da, agod iŋ nug san anan ta diani na da. An niŋen o pein an imasa saian go irupei, “Oŋ ata wo ŋai oŋ you ŋupanop, uluk o ubol di? Oŋ Juda, agod ŋai man Sameria.”

<sup>10</sup>Jesus pein an ru naon irupeig ibol, “Oŋ talpein e, ‘you panag ŋaluk’ ago ibol an, agod Anut san lou panek an dam ulonŋ uyan ak man, oŋ iŋ sumiani dop, you kumaen san an ipanop uluk a.” <sup>11</sup>Ago tag pein an Jesus irupei, “Tamol tubun en, oŋ you kapen ama tia ya. Agod you gib en kuror kasik a. Ago yak niŋen o you a kumaen san an oŋ dugon te ŋane wak i? <sup>12</sup>Idsad tubud baged Jakob iŋ you gib en yabig maŋ ipanama ya. Inŋsen you en iluk na ya, iŋanen nanun muroun dam, makau, sipsip dam you en diluk na ya. Ak nag oŋ iŋ riŋani ubol di?”

<sup>13</sup>Ago tag Jesus pein en awan yabig ibol, “Ta iŋ you en iluk tap, iŋ fon you o imat da wa. <sup>14</sup>Gug ta iŋ you a ŋai ŋupani wan iluk tap, iŋ afon you o ta imat na wa. Rumok, you a ŋai ŋupani wan, iŋ ilon lo pempem ibanai ilasa dop, kumaen pempem yen san ipani wa.” <sup>15</sup>Ago tag pein an ibol, “Tubun en, oŋ you an ŋai panag. Agop ŋai fon you o ŋamat dop, you ŋisiri wo ta ŋupalu na wa.”

<sup>16</sup>Jesus awan yabig irupei, “Oŋ waup, oŋane iwo ŋane gup, fon ente ida apalu.” <sup>17</sup>Agog pein an ru naon irupeig ibol, “Ŋai iwoŋ tia ya.” Ak man Jesus ibol, “Oŋ iwo tia ubol dan rumok a. <sup>18</sup>Oŋ wagam tamol faiv uŋal la ya. Gug gamu tamol a iŋ oŋ ida amado dan man iŋ oŋsa iwo tia ya, an niŋen oŋsa ru ubol an ru rumok geig a.”

<sup>19</sup>Pein an ago ilonŋ man, imasa saian go Jesus irupei, “O tamol tubun en, ŋai ilog isafulale ya. Oŋ Anut san profet. <sup>20</sup>Dugudo, maŋ tubum murouma iŋ did en fo dutumanig, Anut ubou an dile na ya. Gug aŋ Juda man Jerusalem na mi aup, ante Anut ubou an ale wo asue ti abol da.”

<sup>21</sup>Ago tag Jesus irupei, “O pein, ru e ŋurupaio den ilo lo rumok pe wabi. Nal ta idu dop, ate Bai Anut san ubou leil an did en fo, agod Jerusalem lo dam, ta agane na wa. <sup>22</sup>Aŋ Sameria adi Anut a niŋen o ubou ale dan ta alonŋ uyan na ya. Gug maŋ Juda man iŋ malonŋ uyanan a. Man ata wo? Anut tamolpein iŋal pe patu pasek ipidinai san dal man Juda sad dar lo ilasa ya. <sup>23</sup>Gug nal ta idu wo yan gamu nek e ilasa la ya, ante man tamolpein ensauta a kagin nuŋon ak lo mi Anut san ubou an dile dan, Urgun lo, agod ru rumok ak da, iŋ niŋen o ubou dile wa. Man dugo, Anut ensauta a ubou naok ago digane dan mi yil o abaŋad yabi da. <sup>24</sup>Anut man iŋ Ur a. Fun an niŋen o, tamolpein ensauta a iŋ kagin nuŋon ak lo mi ubou an dile dan man, iŋ Urgun lo, agod ru rumok da, inŋsan ubou an dile wa.”

<sup>25</sup>Ago tag pein an Jesus irupei, “Ŋai ŋalonŋ ak, Mesias ipalu da. Iŋ id ibinawad san Anut ipiliani a. Iŋ ipalu gup, mel fidian kuai te igane ilasa dop tile talonŋ a.” <sup>26</sup>Agog Jesus pein an irupei, “An bo ŋaiseg, nek e oŋ da tiŋiŋeŋ da.”



### **Jesus san megeloum dumul dupalu ya**

<sup>27</sup>Jesus pein ida diñijer di dumado dugo iñanen megeloum dupalug dilasa ya. Ago dile man iñ durut saian geig a. Gug iñ lulunad lo tamol ta kisaek Jesus isumianig, “On ata ipano wo ida anijer i?” tia, “On ata wo ida anijer i?” ago dubol man tia ya.

<sup>28</sup>Agog pein an you kapen igansig you fun na yen dugo, imul panu na yaug tamolpein irupudai, <sup>29</sup>“Apalup, tamol ta iñ ñai kulob ñigane na yan fug fidian ifulale idu pasik an ale. Dag iñ Kristus boi?” <sup>30</sup>Agog tag fidian panu dubuseig, Jesus dile wo you fu na diau.

<sup>31</sup>Agog Jesus san megeloum iñ durupe, “Tubun ak, on gidad nuai a.” <sup>32</sup>Gug iñ awad yabig ibol, “Ñai anan sen ta amag da yak, an ñani san an an ta alon na ya.” <sup>33</sup>An ninen o iñanen megeloum nug durupeig dubol, “Dag tamol ta anan isini ipalug ipanig yani la boi?”

<sup>34</sup>Gug Jesus irupidaig ibol, “Ñaisag anan man igo ya, ñai Bai idinag go ñupalu yan iñanen awan ñuri ñupanip, iñanen urat ñiganep itout pasik a, an mi ñaisag mel tubun a. <sup>35</sup>An igo abol, ‘Kalam iwoiwo yau gup man anan ibes idu wa.’ Gug ñai rumok ñurupaian da, malam yaup aban ale, an gidad anan ale alubani. Nuñon tales san saen idaisudag yen da. <sup>36</sup>Tamol iñ anan nuñon urat an igane dan, iñ naon uyanan iñane wa. Iñ tamolpein itumanaip, kumaen pempem yen san diñane wa. Urat an fun igane la ya. Ago dop tamol anan piapae san, nuñon iles san an ida sisem sed iyunanai a. <sup>37</sup>Fun an lo, ru a tamolpein diñijer na yan nuñon ilasa ya, ‘Tamol ta kisaek anan ipae da, ak gug tamol sen ak anan iles da.’ <sup>38</sup>Ñai an abi a ante anan ta apae na yan lo, anan ales san urat agane wo ñidinan go au a. Tamolpein aenta abi an lo urat tubun mi digane la ya. An iñsad silali naon anane ya.”

### **Sameria wei mi ilod lo rumok a**

<sup>39</sup>Sameria panu an san tamolpein wei mi iñ pein an san ru dulon go, Jesus lo ilod rumok a. Man dugo, pein an ibol, “Ñai gubak mi kagin dugo ñigane na yan fidian irupaig a.” <sup>40</sup>An lo saen Sameria adi Jesus san na dupalu dugo, iñ kitek dida dumado wo dusumiani a. Ago tag nal uraru ante dida dumado ya. <sup>41</sup>Gug gamu tamolpein nen wei geig iñ Jesus sen awan lo ru dulon ak ninen o ilod lo rumok a.

<sup>42</sup>Iñ fidian mi pein an durupe, “Gamu en man onsa ru mi malon ak o iloma lo ta rumok na ya. Tia, mansema Jesus sen awan lo ru malon ak o iloma lo rumok geig a. Agod man malon ak, nek tamol emaiak, rumok nuñon mi, iñ tan en san tamolpein fidian sad patu pasek tamol.”

### **Jesus kin san urat tamol nanun ikubune ya**

<sup>43</sup>Nal uraru an itout go, Jesus Sameria adi ibisawaig imul Galili na yau. <sup>44</sup>Gubak mi Jesus iñsen igo ibol ilasag ibol, “Anut san profet iñsinan panu

fun lo man yaŋan tia ya.” <sup>45</sup>Aria, saen iŋ Galili na ilasa dugo, tamolpein dileg duyunaŋi a. Man fun dugo, iŋ dam Jerusalem na nal tubun an lo, kulob kulob a ante igane yan dile yak niŋen o, ago malan dupare ya.

<sup>46-47</sup>Agog Jesus fon Kana panu na ilasa ya. Panu ante imug you ibilisag wain ilasa ya. Ante imado dugo, kiŋ san urat tamol gurman ta nanun Kaperniam na imado yan, subam ifuni saian. Iŋ Jesus Galili distrik lo imado yan ilon tag, imasag ririan Jesus san na yau. Iŋ yaug, iŋanen nanun imat o itor dan, Jesus ikubunep uyan ilasa wo imosiai a.

<sup>48</sup>Agog Jesus irupeŋi, “Aŋ tamolpein pempem kulob ta girager aman da yak, agod kulob a urer san dam ale wo ilom ibol da. Tia dop, aŋ ilom lo ta rumok na wa.”

<sup>49-50</sup>Agog dugo kiŋ san urat gurman an fon iŋ igudanig ibol, “O Tubun ak, oŋ palu kisaek oŋ. Kabelan ŋaineg nanuk imat banau.”

Jesus awan yabig ibol, “Oŋ wau, oŋane nanu uyan imado wa.” Aria, tamol gurman an Jesus san ru ilon lo rumok go yau. <sup>51</sup>Iŋ yau oŋ dugo, iŋanen urat pinein dal na naon ditareg durupeŋi, “Oŋane nanu uyan ilasag imado da.” <sup>52</sup>Ago dubol tag, iŋ isumianai, “Ad mitilaen dugo woŋ dugo tinin kitek uyan i?” Iŋ awan diabig dubol, “Nor ad isaek o itor dugo, tinin ibubarum a.” <sup>53</sup>Ago tag taman fon ilon isoug, nor nek ad ago Jesus irupeig, iŋanen nanuk uyan imado dak ibol a. Agog iŋ Jesus niŋen o ilon lo rumok dugo, iŋanen muroun muroun dam fidian ilod lo rumok a.

<sup>54</sup>Jesus iŋ Judea ibiseig Galili na ipalu gug, kulob girager en igane ya. Kulob en Jesus san urat girager tinin te yak Galili distrik lo igane ilasa ya.

### Jesus tamol ta you Betesda ante ikubune ya

**5** <sup>1</sup>Murnag Juda adi sad tumanek nal tubun ak ta ilasa wo dugo, Jesus dam Jerusalem na yau. <sup>2</sup>Jerusalem man pat nam ar dufou dulubani a. Ar san dalawan wei mi dien da. Dalawan ta “sipsip sad dalawan” dubol dan te you saltek ta yen da, Hibru ru lo yaŋan Betesda dubol da. You an aen te lalai miriau faiv ate dien da. <sup>3-4</sup>Lalai miriau an ate man tamolpein subam funfun amad da yak ate dumado da. Aenta malad tia yak, aenta ŋied saian ak, aenta ŋied banid tubabun ak, ante eŋel ta ipalup, you lo idup you ila iso dop, dile wo mala nouk dumado da. Gug enti iŋ imug you lo idu dan iŋanen subam itout a. <sup>5</sup>Aria, tamol ta iŋ miriau ante anaŋar 38 subam iŋaneg imado ya, iŋ itor san tia, ago yen oŋ se ya. <sup>6</sup>Jesus tamol an ile dugo, iŋ saen milaen mok subam anda yen na yan durupeŋi a. Ago tag Jesus isumianig ibol, “Dugo, oŋ tini uyan o ilo ibol di?”

<sup>7</sup>Ago dugo subam tamol an Jesus awan yabig ibol, “Awo. Tamol tubun en, ulon, saen you ila iso dop, ŋai tamol ta ibinawag pe, you lo ibilag ŋadu san tia ya. ŋaiseŋ ŋibitinae ŋadu wak, gug aenta mi iŋ ŋai diriŋanag pe dunug dudu da.”

<sup>8</sup> Ago tag Jesus irupeï, “Masa utur pe, oñane gadab an wabisa sinip wau.” <sup>9</sup> Jesus ago ibol an ririan tamol an tinin uyan ilasa, agog imasa itur go iñanen gadab an yabisa isinig yau.

Kulob an man Juda sad ubou nal lo ilasa ya.<sup>a</sup> <sup>10</sup> Ago yak niñen o Juda adi tamol a tinin uyan an dupeig dubol, “Gamu man yaes bilabal san nal, oñsigane gadab sinip utor san man geg mok a.”

<sup>11</sup> Ago tag iñ ru naon igo ibol irupudai, “Tamol a ñai ikubuniag an iñsen ñai irupaiaig go ñaisag gadab ñiñaneg ñau da.”

<sup>12</sup> Ago tag fon dusumiani, “Tamol enti oñ ago gane wo irupaio i?” <sup>13</sup> Ak man tamol uyan ilasa an iñ tamol a iñ ikubune yan ta ilon na ya. Man dugo, tamolpein doup tubun mok an lo Jesus lulunad lo yau imianuk a.

<sup>14</sup> Murnag Jesus tamol an tempel ilon lo ile tag irupeig ibol, “Ulon, gamu oñ uya la ya. Oñ fon kagin saian ak ta gane na wa. Kabelan muruan nen tubun geig ak ta oñ lo ilasa banau.” <sup>15</sup> Agog tamol an yang, Juda gurman adi irupudai dulon, “Tamol a ñai ikubuniag go uyag an man yañan Jesus.”

#### **Anut Nanun lo id kumaen tiñane wa**

<sup>16</sup> An niñen o Juda adi Jesus yaes bilabal nal lo urat igane an niñen o tiñaed saian go fun diganeg muruan dupani se ya. <sup>17</sup> Ago tag Jesus irupudai, “Ñaisag Tamag iñ nal fidian urat igane yau da, an niñen o ñai dam nek ago ñigane da.” <sup>18</sup> Ru an niñen o Juda adi tiñaed saian go, Jesus dufuni imat o maeg tubun mi digane na ya. An sabat nal ipilali ak niñen o mi iñ ago ta digane na ya, tia, Anut iñ taman mok ibol ak, ru naok an lo iñsen Anut da tou kisaek mi ibol da, an lo tiñaed tubun mi saian a.

<sup>19</sup> Jesus irupidaig ibol, “Ñai rumok nuñon mi ñurupaiañ da, Nanuk man iñ sen ilon nam mel ta igane san tia ya. Tia, iñ Bai san banin leil ipani dugo, kagin naok dugo yak igane dan ago mi iñ dam igane wa. Man dugo, urat dugo Bai igane dan mi Nanun dam igane da. <sup>20</sup> Taman iñ Nanun o imat go, urat fidian igane dan ikubiai panig ile ilon a. Awo, añ amasa saian san urat tutubun geig ak taida ñigane wo ikubiai panag a. An urat e gamu igane den iriñani geig dop arut saian a. <sup>21</sup> Ata wo? Taman iñ tamol dumat ak fon iburousap kumaen ipidinai san ilon a. Nek ago mi Nanun dam iñ sen ilon ibol ak atem, enti kumaen ipani wan ago igane wa. <sup>22</sup> Taida mi, Taman iñ tamolpein ta bitinaek lo ta idirai na da. Tia, urat an man Nanun mi banin lo igane pasi a. <sup>23</sup> Taman ilon man, nek ibol tamolpein Taman yañan disini dak igo won, iñ fidian Nanun dam yañan disini wa. Talpein enti a Nanun yañan ta isini na dan man, Taman a Nanun iganeg ipalu yan dam yañan ta isini na da.

<sup>24</sup> “Ñai rumok nuñon mi ñurupaiañ da. Talpein enti iñ ñaisag ru ilon dugo, Anut ñai idinag go ñupalu yan ilon lo rumok dan, Anut ru ibol

---

<sup>a</sup> Judah sad ubou nal an Sarere, nal an Sabat dubol da.

pe talpein an ideg yau ak ta mok igane na wa. Tia, talpein an kumaen pempem san ijane la ya, ij materj san dal ibisei lag, gamu kumaen san dal lo itor da. <sup>25</sup>Ƴai rumok nujon mi Ƴurupaiaŋ da, nal ta idu wo igo yan gamu nek e ilasa la ya. Nal an lo tamolpein gamu materj san dal lo dutor dan Anut Nanun awan duloŋ a, ago dop a ij awan duloŋ dan, kumaen pempem san diŋane wa. <sup>26</sup>Bai ij kumaen san taman imado dak ago mi Nanun dam ij kumaen an ipani a, an niŋen o ij dam kumaen san fun imado da. <sup>27</sup>Agod ij Nanun tamolpein bitinaek lo idirai san dabai ipani a, man dugo, ij Tamol Nanun a.

<sup>28</sup>“Aŋ mel an niŋen o arut saian amoi, man dugo, nal idu dan te dop, tamolpein a fidian sad mutou lo dien dan iŋsan awan duloŋ a, <sup>29</sup>agop iŋsinad mutou awan dibiseip dilasa wa. Tamolpein ensauta a kagin uyan ak digane na yan dumasap kumaen pempem san diŋane wa, ago dop a ij kagin saiak saiak digane na yan dumasap Anut ibitini*ai* gup dideg diau a. <sup>30</sup>Ƴai seg ilog nam mel ta Ƴigane san man dabai amag tia ya. Ƴai bitinaek Ƴigane den man Bai sen irupaia*g* ago mi Ƴiŋane da, an niŋen o Ƴaisag bitinaek man uyan a. Man ata wo, Ƴaise*g* ilog Ƴurig, urat ta Ƴigane na da, tia, a ij Ƴai idinag go Ƴupalu amaiak ilon mi Ƴiri wo yaes isofutanag da.

### **Tamol aenta Jesus fun niŋen o dubol**

<sup>31</sup>“Ƴaise*g* niŋeg o mi ru Ƴabol dop man, idsad kubia*ŋ* ibol ago tamol kisaek san ru an dabai aman tia ya. <sup>32</sup>Ak man talpein sen ak Ƴaisag ru dabai ipani da, agod Ƴai Ƴaloŋ ak ij Ƴai niŋeg ru ibol dan iŋsan ru man rumok a.

<sup>33</sup>“Aŋ gubak mi tamol adina*ig* suguek san Jon san na diaug, Ƴai niŋeg o mi ru rumok ak kuai tem ibol dugo duloŋ a. <sup>34</sup>Gug tamol ta Ƴaisag ru en dabai ipani wo ru ta Ƴabol na da, tia, aŋ Ƴai o ilom lo rumok pe, Anut patum ipasi wo ru en Ƴabol da. <sup>35</sup>Jon man ij sul igo woŋ ided dugo tamolpein lilaman ipidina*i* a. Ij imado an lo saen katukan mi aŋ ilo uyan am da iŋsan lilaman lo amado ator na ya.

<sup>36</sup>“Ak man mel ta ibalsiŋanag go Ƴai niŋeg ibol ilasa dan, Jon san ru iriŋani a. Urat e Ƴigane den, urat nek emaiak Ƴigane itout o Bai banig lo iganeg Ƴigane da. Urat nek en Ƴai niŋeg o ikubiai panai*g* dak, Bai iŋsen Ƴai idinag go Ƴupalu ya. <sup>37</sup>Agod Bai a Ƴai idinag go Ƴupalu yan iŋsen, ru rumok Ƴai niŋeg o ibol a. Ago gug aŋ kududom ij awan kitek duloŋ man tia, agod tinin san leil an dam ale man tia ya. <sup>38</sup>Iŋanen ru dam aŋ lo tia ya. Man dugo, Bai Ƴai idinag go Ƴupalu ya, ago gug Ƴai o ilom lo ta rumok na ya. <sup>39</sup>Aŋ ru a Anut san buk lo yen dan lo abaŋ tubun mi ale da, man dugo, aŋ ilom igo isou da, ru an lo kumaen pempem san aŋane wak abol da. Ak man ru nek emaiak Ƴai niŋeg o mi ibol na ya. <sup>40</sup>Ago bo man, aŋ Ƴaisag na apalup, kumaen an aŋane wo man amoi da.

<sup>41</sup>“Gidad tamolpein ŋai yaŋag diabisa wo digane bo man, iŋsad per panek ta ŋiŋane na wa. <sup>42</sup>Ak man ŋai aŋ ŋalonŋ fufei, aŋsam kagin man sen a. Agod ŋai ŋalonŋ ak, aŋ ilom lo man Anut o ta amat na da. <sup>43</sup>ŋai Tamag san yaŋan lo ŋupalu ya. Ago gug aŋ ŋai ta aŋiliag na ya. Gug tamol sen ak iŋsen yaŋan lo ipalu dop man, aŋ iŋ ayuŋani wa. <sup>44</sup>Aŋ Anut mi sen kisaek san na yaŋak tubun aŋane san amoi da, ago gug aŋsem nug teim taom lo mi yaŋak tubun ak aŋane wo agane da. Aŋ ago agane tap, dugo woŋ ŋai niŋeg o ilom lo rumok ak i?”

<sup>45</sup>“Ago yan niŋen o kabelan aŋ ilom lo ŋai Bai naon na aŋ ru lo ŋidirāŋ ak abol banau. Tia, tamol enti a aŋ ru lo idiraŋ amaiak Moses mi a. Aŋ ilom lo iŋ murnap ibinawaŋ o abol, agod iŋ lo mi aŋanem tini gane agane da. Ago bo man, iŋ ru lo idiraŋ a. <sup>46</sup>Aŋ Moses san ru ilom lo ta rumok na ya. Aŋ ru an ilom lo rumok nuŋon ak man, aŋ gamu aŋanem ilo rumok ŋai lo agane wa. Man dugo, Moses ŋai niŋeg o ru igire ya. <sup>47</sup>Gug aŋ iŋsan ru igire yan ilom lo ta rumok na ya, an niŋen o, en dugo woŋ pe aŋ ŋaisag ru ilom lo rumok ak i?”

**Jesus faiv tausen tamolpein anaŋ ipidinai a**

*Mat 14:13-21; Mak 6:30-44; Luk 9:10-17*

**6** <sup>1</sup>Murnag Jesus anen megeloum dida dumasag wog diŋaneg, you Galili awan aen ate diau. You an yaŋan neinta Taiberias dubol da. <sup>2</sup>Tamolpein wei mi Jesus ŋien aban fo diau, man dugo, iŋ tamolpein subam amadi da yak ibinawaig uyadi dugo kulob girager dile amaiak niŋen o iŋ ŋien fo diau na ya. <sup>3</sup>Jesus iŋanen megeloum dida diaug tan bubun fo disida diaug, ante dumasig dumado. <sup>4</sup>Nal an man Juda sad nal tubun, tumanek tubun san nal Pasova dubol dan san saen sumeikan a.

<sup>5</sup>Agog Jesus malan ila iso ak man tamolpein wei mi iŋsan na dupalu dugo yil a. Ago tag iŋ Filip irupe, “Id dugon te anaŋ ta tadad pe, tamolpein en diani wak i?” <sup>6</sup>Iŋ ilon lo, mel dugo igane wo man yen la ya, ago gug Filip ikubiani wo ago isumiani a.

<sup>7</sup>Aria, Filip imasa saian go ru naon igo ibol, “Id gidad pat tubun mi lo anaŋ tadad bo man, tamolpein en kitek kitek dianip ta idaisuda na wa.”

<sup>8</sup>Agog megeloum ta Andru, Saimon Pita tein, amaiak Jesus irupe, <sup>9</sup>“Pinein nanun ta ente imado da, iŋ bret bali faiv, agod iy uraru aman da ya. Ago yak man, dugo woŋ pe ate tamolpein warou tubun en tufutaip idaisuda wak i?”

<sup>10</sup>Gafurfur<sup>b</sup> uyanan ante yen da, an niŋen o Jesus megeloum irupidaig ibol, “Tamolpein arupidaip ante dumasi.” Ago ibol go iŋ gafurfur fo dumasi a. Tamol mi sad sutek man faiv tausen igo ya. <sup>11</sup>Agog Jesus bret iŋaneg, Anut ilo uyan ru ipani gug, an fidian iwae pidinaig diani a. Iy dam nek ago mi iŋaneg, iŋaned ilod ibol ak ate mi diani a.

<sup>b</sup> Kurkur

<sup>12</sup>Diani itout an ijanen megeloum irupidai, “An anan samsamun yen dan atumani. Kabelan anan samun ta kawan tibidani banau.” <sup>13</sup>Ago tag anan samsamun dutumanig, sareg 12 tutubu yak ditane idug, awad isa ya.

<sup>14</sup>An ninen o tamolpein kulob girager dabai an dileg, agog nug lo dijinen go dubol, “Rumok nunon, an ilom dugo isou dak i? En man tag Profet a Anut gubak mi ibol amaiak tan na ipalu wo tamol nek ema ya.”

<sup>15</sup>Gug Jesus ilon ak, in dupalup, dabai nam diabip, dijanane diaup insad kin digane ilasa wo da. An ninen o in tamolpein an ilod lo sen ipasig did giranen na yang imado se ya.

**Jesus you aten fufo yau a**

*Mat 14:22-33; Mak 6:45-52*

<sup>16</sup>Gurai idu dugo, Jesus san megeloum you tilianek Galili lo na dudu ya. <sup>17</sup>In lon na diau a, ak man Jesus insad na ta ilasa na ya. Ago tag in wog lo dusudag, Kaperniam na dumul diau wo lon dibiseig, you titijaem dututeg diyawai a. Saen diyawai dugo tidom idu yak man, Jesus nen gamugo lon na ta idu na ya. <sup>18</sup>Saen an lo tim tubun ak ifure dugo, tamun dam tubun mok imasa ya. <sup>19</sup>An lo in wog lo dufulanig diaug kitekan asau mi, 5 kilomita ago dugo, Jesus you aten fufo na wog naon ipanig ipalu dugo dile ya. An ninen o direr saian geig a. <sup>20</sup>Ago dugo in irupidai, “An arer amoi, naiseg npalu da.” <sup>21</sup>Agog sad rurek itout go ilod pasai ibol an lo in wog lo isuda wo ilod uyan a. Agog milaen tiag wog an panu diau dan ate yang isasau a.

<sup>22</sup>Salso idug tamolpein you awan aen ate dumado yan ilod igireg igo ilod isou: Nor na man wog taida man tia ya. Wog kisaek an lo Jesus ta isuda na ya, tia, insan megeloum mi dusudag diau a. <sup>23</sup>In ilod ago isou dugo, wog aenta taun yanan Taiberias dubol dan ateg dupalu dugo dil a. Wog an aben a ate Tubun ak bret in iy da Anut ilo uyan ru ipanig diani an, sinjiren na disasau a. <sup>24</sup>Tamolpein Jesus ijanen megeloum dida aben ante abanad diabi se yak man, naod ta dile na ya. Saen ago dulon man, wog an lo dusudag Kaperniam na Jesus dile wo abanan diabig diau a.

**Jesus in anan kumaen san**

<sup>25</sup>In diaug you awan aen ate Jesus dile gug dusumianig dubol, “Girek manau, on nal sajepta ente palu yak i?” <sup>26</sup>Jesus awad yabig irupudai, “Ijai rumok nunon mi jurupaian da, an kulob girager ale yan ninen o nai ta abanag abig apalu na ya. Tia. An anan anig luam ipuk amaiak ninen o mi nai abanag abig apalu ya. <sup>27</sup>An anan a saen katukan lo mi saian dan anane san urat an ta agane na wa. Tia. An anan a kumaen ipanan pe pempem yau san an mi anane wo urat wagai agane. Anan an Tamol Nanun ipanan a. Anut tamol emaiak ilon ipani dugo, kob igo tinin lo iganeg yen da.”

28 Agog in dusumianig dubol, “Ak man en dugo miganep Anut san urat migane wak i?”

29 Agog tag Jesus awad yabig ibol, “Anut san ilo sou lo urat agane man igo ya, tamol emaiak in iganeg ipalu yan mi an in o ilom lo rumok a.”

30 Agog tag in dusumiani, “On enso kulob girager ta ganep, an lo man mile dop iloma lo rumok ak i? On dugo gane wak i? 31 Wagam id tubud baged tan kawan ak ate anan mana diani na ya. An nigen o ru ta Anut san buk lo igo ibol, ‘In kumaen panu san anan ipidinaig diani a.’”

32 Jesus irupudaig ibol, “In rumok nunon mi jurupaian da. Anan a Moses ipanan an man kumaen panu san anan tia ya. Tia. Anan e gamu naineg Tamag an ipanan den, nek an kumaen panu san anan mok a.

33 Man dugo, Anut san anan mok man, nek anan a kumaen panu ibiseig idug, tan en san tamolpein kumaen mok ipidinai dan nek ama ya.”

34 Agog tag in Jesus durupe, “Tubun ak, on gidad nal pempem anan an man panama dop mani wa.”

35 Agog Jesus irupudaig ibol, “In aiseg mi anan kumaen san. Ta in naisag na ipalu tap, in fon imatigen san tia ya. Ta in nai o ilon lo rumok tap, in you o ilon igos san tia ya. 36 Ago yak man nai an jurupaian la ya, an nai aliag la yak gug, an nai o ilom lo ta rumok na ya. 37 Tamolpein fidian ensauta a Bai ipanag dan, in naisag na dupalu wa. Ago dop ensauta a naisag na dupalup dida mumado wan, nai in nukudai diau san tia geig a. 38 Man dugo, nai kumaen panu nubuseig nadu yen seg ilog nam kulob nigane wo ta nadu na ya. Tia. Bai a nai idinag go nupalu yan mi, inanen ilobol nuri nupani wo nadu ya. 39 Agod Bai a nai idinag go nupalu yan in san ilon man, tamolpein e nai ipanag en lulunad lo talpein kisaek ideg yau o man imoi a. Tia, an fidian nal wadan lo dop, nufufunaip kumaen dumasa wak ilon ago yen da. 40 In Tamag san ilon man igo ya. Ta Anut Nanun ilep, in o ilon lo rumok an, in kumaen pempem yen yau san an inane wa. Agod nai nal wadan lo nuburousap, fon kumaedi dumado wa.”

41 Saen Jesus, in sen anan lak na yak ibiseig idu yen ago ibol dugo, Juda adi in tinaed saian go in nigen o dunurur se ya. 42 Ago dugo in dubol, “En dugudo i? Tamol an man Jesus, Josef nanun, id in san tinan taman dam talon a. Ago gug en dugog in kumaen panu ibiseig tan na idu ibol di?”

43 Agog tag Jesus ru naon irupudaig ibol, “An ansem nug ilon lo mi anurur amoi. 44 Talpein ta in sen ilon nam naisag na ipalu san tia ya, tia, Bai sen nai idinag go nupalu yan mi talpein an iduduwi dop naisag na ipalu wa. Agop nal wadan idu dan lo dop, nai in nufufunip kumaen imasa da wa. 45 Profet adi sad ru girek lo igo digire ya, ‘Anut sen tamolpein fidian manau ipitejanai a.’ Tamol a Bai san ru dulon go in awan lo manau dijanen dan fidian, naisag na dupalu wa. 46 Talpein ta Bai ile man tia ya. Tia, enti in Anut san nag ipalu yan mi malan nam Bai ile

ya. <sup>47</sup>Rumok nuŋon mi ŋai ŋurupaian da, talpein iŋ ŋai o ilon lo rumok an, iŋ kumaen pempem san iŋane la ya. <sup>48</sup>Ŋai mi anan kumaen pempem san. <sup>49</sup>Wagam mok an tubum bagem tan kawan ak ate dutor dugo, anan mana diani na ya, ago bo man iŋ fidian materj dile ya. <sup>50</sup>Gug ente anan a kumaen panu ibiseig idu yan yen da, ago dugo talpein enti a anan an yani dan materj ta ile na wa. <sup>51</sup>Ŋaiseg mi, ŋai anan kumaen anda yak a kumaen panu ibiseig tan na idu ya. Talpein ta anan emaiak yani dop man, iŋ materj ta ile na wa, tia, iŋ pempem mi kumaen imado wa. Anan en ŋaiseg tinig, tan en san tamolpein kumaen pempem san diŋane wo ŋipidina i a.”

<sup>52</sup>Ago tag Juda adi iŋsed nug dupei dugo dubol, “En dugo wonj pe tamol en iŋsen tinin ipanad pe tani wak i?”

<sup>53</sup>Ago dugo Jesus irupudaig ibol, “Rumok nuŋon mi ŋai ŋurupaian da. An Tamol Nanun san tinin, iŋanen dar ani aluk a. Tia tap, Anut san kumaen an lo ta yen na wa. <sup>54</sup>Talpein iŋ ŋaisag tinig yani dugo, dar ag iluk dan, iŋ kumaen pempem san iŋane la ya, ago dop nal wadan lo dop, ŋai iŋ ŋufufunip ŋabisa wa. <sup>55</sup>Man dugo, ŋaisag tinig man anan mok, agod ŋaisag dar man you mok a. <sup>56</sup>Talpein iŋ ŋai tinig yani dugo, dar ag dam iluk dan, iŋ ŋai lo imado dugo, ŋai iŋ lo ŋumado da. <sup>57</sup>Bai kumaen imado dan iŋ ŋai idinag go ŋupalu ya, agod ŋai Bai san wagen lo kumaen ŋumado da. Nek ago mi, talpein iŋ ŋai iniag dan, ŋaisag wageg lo kumaen iŋane wa. <sup>58</sup>Anan a kumaen panu log idu yan nek ama ya. An tubum bagem mana diani nag murna iŋ dumat a. Ak gug talpein enti a, anan e niŋen o ŋabol den yani dan man, iŋ kumaen pempem imado wa.” <sup>59</sup>Ru an, saen Jesus Kaperniam na ubou ab ilon lo imado dugo, ipiteŋanai a.

### Kumaen san ru

<sup>60</sup>Ganurek tamol adi wei mi ru an duloŋ go igo dubol, “Ru en muruan kasik a, enti ru an ka iŋane wak i?”

<sup>61</sup>Gug Jesus iŋ ilon ak, iŋsan ganurek tamol adi ru an niŋen o duŋurŋur se ya. Ago tag irupudaig ibol, “Ru an ilom muruan ipani ak i? <sup>62</sup>Ak dugo, mitep an Tamol Nanun ale dop, lak na aben gubak mi imado ante isuda yau dop, an niŋen o dugo abol ak i? <sup>63</sup>Urgun mi iŋ tamol kumaen ipani da, tinid man iŋ kitek ibinawad san tia ya. Ru e ŋai ŋurupaian den, iŋ ur agod iŋ kumaen a. <sup>64</sup>Ago gug an lulunam lo tamolpein aenta iŋ ilod lo ta rumok na ya.” Ago ibol san fun man, iŋ imug mi talpein dugon ilod lo ta rumok na dop, tamol enti iŋ ager banid lo igane man, iŋ ilon uyanan a. <sup>65</sup>Iŋ ru ibateg ibol, “Nek fun amaiak niŋen o, ŋai imug mi an igo ŋurupaian; Talpein sen ilon nam ŋaisag na ipalu san tia ya, tia, ŋaineg Bai tamol an idaisuda mi igane ilasa gup ka ipalu wa.”



<sup>66</sup> Jesus ru en ifulale itout go, inſan ganurek tamol adi wei mi iŋ dibiseig dumul diaug, iŋ afon ɲien aban ta diri na ya.

<sup>67</sup> Ago tag Jesus inanen megeloum 12 an isumianai, “Tag aŋ dam ɲai abisawag pe au wo ilom yen di?” <sup>68</sup> Saimon Pita awan yabig ibol, “O Tubun ak, maŋ enti san na mau wo ubol di? Oŋane ru mi iŋ kumaen pempem san aman da ya. <sup>69</sup> Maŋ malonj uyan go iloma lo rumok ak, oŋ mi Anut anen Tamol Gun a.”

<sup>70</sup> Jesus ru naon irupidaig ibol, “ɲai aŋ 12 ɲitarpasaŋ a, ago gug aŋ lulunam lo ta kisaek man iŋ Satan san.” <sup>71</sup> Inſan ru lo, Judas, Saimon Iskeriot nanun an isue ya. Tamol an Jesus san megeloum 12 an lulunad lo yak gug, mitep iŋ Jesus ager banid lo igane wa.

### **Jesus tein muroun iŋ niŋen o ilod ta rumok na ya**

**7** <sup>1</sup> Murnag Jesus inſen ilon dugo yen dak irig, Galili distrik lo mi itor se ya. Man dugo, Juda adi iŋ dufuni imat o digane se ya, an lo iŋ Judea distrik lo yau man imoi a. <sup>2</sup> Agog Juda sad Lalai san tumanek tubun ak san nal ilasa san saen sumeik a. (Soubul saen an ubou kisaek yen a.) <sup>3</sup> Ago tag Jesus tein muroun bube suek ru durupeig dubol, “Oŋ gidad e utor den umoip, masap distrik Judea na wau. Ago tap man oŋsa megeloum aenta oŋsa urat dabai tutubun gane dan dile wa. <sup>4</sup> Talpein ta iŋ malak malak yaŋak tubun ak igane wo tap, iŋ mianuk lo urat dabai tutubun ak igane san tia ya. Oŋ kulob igo yak gane wo tap, waup, tamolpein fidian malad lo gane wa.” <sup>5</sup> Inanen tein muroun mok dam iŋ o ilod ta rumok na ya, fun an lo ago dubol a.

<sup>6</sup> An niŋen o Jesus irupudaig ibol, “ɲaisag nal gamugo da, gug saen fidian aŋ ilom ibol ago mi agane wa. <sup>7</sup> Man dugo, tan en san tamolpein fidian man aŋsam ager tia ya, tia, iŋ ɲaisag ager mi a. Man ata wo? ɲai inaned saian kuai tem ɲabol ilasad amaiak naon ɲisini da. <sup>8</sup> Aŋ tumanek nal tubun an lo aladu au, gug ɲai man tia wa. Man dugo, ɲaisag nal mok gamugo ilasa da.” <sup>9</sup> In ago ibol irupudaig Galili na mi imado se ya.

### **Jesus yaug, lalai san nal tubun ak ile ya**

<sup>10</sup> Aria, Jesus tein muroun imug dusuda diau dugug, inſen murna imianuk oŋ yaug aban ile dugo itor se ya. <sup>11</sup> Aria, tumanek tubun an ilon lo, Juda gurman adi Jesus aban diabi dugo, niŋen o dusumiaig dubol, “Tamol an dugon te imado dak i?”

<sup>12</sup> Tamolpein an lulunad lo Jesus niŋen o gidigheid diŋiŋeŋ ila iso se ya. Aenta dubol, “In tamol uyan a.” Gug aenta dubol, “Tia, iŋ tamolpein fidian irawai da.” <sup>13</sup> Ak man talpein ta iŋ niŋen o ru kuai tem ibol ilasa man tia ya. Man dugo, iŋ Juda gurman adi niŋedi wo direr a.

<sup>14</sup> Aria, dumado yaug tumanek san saen titiŋae gug, Jesus iŋ tempel ilon lo iladug tamolpein maŋau ipiteŋanai a. <sup>15</sup> An niŋen o Juda adi durut

saian go dubol, “Tamol en manjau ta dipitejani na ya. Ago gug en dugon te manjau igo yan iġane yak i?”

<sup>16</sup>Ago tag Jesus iŋ ru naon igo ibol irupudai, “Iġai ru e ġabol ġurupaian den man ġaisag ru tia ya. Tia, en Anut ġai idinag go ġupalu yen iŋsan ru ġabol alonj da. <sup>17</sup>Ak talpein ta iŋ Anut ilon yen dan ago iġanuri wo imat tap, ġaisag pitejanek en Bai san ilon boi, tia, ġaisag ilog boi, an ka walal te ile ilonj a. <sup>18</sup>Talpein iŋsinanen ilo sou lo iŋiŋeŋ dan man, iŋsen yaŋan mi yabisa wo urat iġane da. Gug talpein iŋ tamol sen ak idinig ipalu yan mi yaŋan yabisa wo urat iġane tap, talpein an san ru an rumok mi a. Ru sewak ta iŋ lo yen man tia ya. <sup>19</sup>Wagam mi Moses aŋ kubiaeŋ ipanaŋ a. Ago gug aŋ lulunam lo talpein ta kubiaeŋ en iri ipani man tia ya. Ak en ata wo ġai afunag ġamat o agane di?”

<sup>20</sup>An niŋen o tumanek san doup adi ru naon igo dubol, “Oŋse ur saiak ama da ya. Enti oŋ ifuno umat o iġane dak i?”

<sup>21</sup>Jesus awad yabig ibol, “Iġai gubak mi kulob girager kisaek ġigane yak gug, aŋ an niŋen o ilom weiwei da. <sup>22</sup>Aria, ilom isou o uyanan. Moses san kubiaeŋ lo ru en yen da, (gug Moses aŋ kulob en ta ipanaŋ na ya, tia, aŋ tubum bagem dupanaŋ a.) Ru an igo ya, saen pein ta nanuk iġansip nal 8 yau gup, nanuk an tinin suŋulon atute wa. Aŋ kubiaeŋ an ari wo nanuk suŋulon atute san nal an sabat nal dop man, kubiaeŋ an apilali san tia ya. Ak man, nal an lo dam tini suŋulon tutek san urat agane da. <sup>23</sup>Aria, aŋ sabat nal lo tini suŋulon tutek san urat agane tap, en ata wo ġai tamol tinin fidian mi sabat nal lo ġukubune yan niŋen o ilom ġai o saian dak i? <sup>24</sup>Aŋ kankan tia yak lo bitinaek ta agane na wa, tia, aŋ ilom iġire na gup, kankan itaot an lo bitinaek agane.”

### Jesus iŋ Kristus i?

<sup>25</sup>Jerusalem tamolpein aenkadi iŋ ago iġane dugo dile yan niŋen o sed nug dusumianig dubol, “Ak dugo, tamol a idsad gurman adi dufuni imat o digane dan nek on i? <sup>26</sup>Ak ale, iŋ malak malak ru kuai tem ibol ilasa da. Gug gurman ta awan ipuk go ru ta ipani na da. Dag iŋ ilod lo dulonj uyan ak iŋsen Kristus i? <sup>27</sup>Ak man id tamol en san fun panu talonj a, gug saen Kristus ipalu man, iŋ dugon te ipalu yan id talonj san tia ya.”

<sup>28</sup>Agog Jesus nek ate tempel ilon lo mi imado se man, tamolpein manjau ipitejanai dugo, iwagiŋ go ibol, “Awo, aŋ ġai alonj a, agod ġai dugon teg ġupalu yan dam alonj abol da. Ago gug aŋ ġai aŋaonj geig a. Iġaiseg ilog nam ente ta ġupalu na ya. Tia, Enti a ġai idinag go ġupalu yan mi ġaisag fug mok a, ak man aŋ iŋ ta alonj na ya. <sup>29</sup>Gug ġai mi iŋ ġalonj a, man dugo, ġai iŋsan na ġilasa ya, agod iŋ ġai idinag go ġupalu ya.”

<sup>30</sup>Ru an dulonj tag iŋ Jesus dusubani wo dal abanj dile se ya. Gug tamol ta iŋ tinin ta diabi na ya, man dugo, iŋsan saen gamugo da. <sup>31</sup>Tamolpein

wei mi iŋ niŋen o ilod lo rumok go ago dubol, “Tamol en tag Kristus e. Ata wo? Tamol sen ak san kulob dabai tutubun igane dan tamol en san urat irinani wak i? Tia geig a.”

<sup>32</sup> Tamolpein kisik kisik nam Jesus niŋen o diŋiŋeŋ dugo, Farisi adi ago duloŋ tag, pris gurman adi iŋ Farisi an dida tempel san titianek adi didinaig, Jesus dusubani wo diau.

<sup>33</sup> Ago dugo Jesus ibol, “Ŋai saen katukan mi aŋ da tumado wa, ago gup Enti a idinag go ŋupalu yan san na ŋau a. <sup>34</sup> Aŋ ŋai abanag abi wa, ak man ta aliag na wa. Agod aben a ŋai ate ŋau dan aŋ ate au san tia ya.”

<sup>35</sup> Ago tag Juda adi iŋsed mi diŋiŋeŋ go dubol, “Tamol en dugon te yau dop, id abanag tile tia wak niŋen o ibol di? Dugo, iŋ dap idsad sawar aenta Grik lulunad lo dumadod, amaiak sad na yaup ipiteŋanai dop, abanag tile tia wak niŋen o ibol di? <sup>36</sup> Ago dugo iŋsan awan aban igo ya, ‘aŋ ŋai abanag abi wa, ak man ta aliag na wa, agod aben ŋai ate ŋau dan aŋ ate au san tia ya.’ Ru en fun dugo yak i?”

<sup>37</sup> Tumanek digane yan san wadan futaneŋ nal tubun ak lo, Jesus imasa itur go awan tubun mi iwagiŋ go ibol, “Talpein ta iŋ you wo imat tap, iŋ ŋaisag na ipalup you ka iluk a. <sup>38</sup> Anut san ru girek lo igo ibol, talpein ŋai o ilon rumok tap, ‘you kumaen san amaiak talpein an buben ilon lo ibanai ilasa yau dop yen a.’ ” <sup>39</sup> Jesus Awan Urgan niŋen o tou an yabig ru ibol a. Talpein ensauta a Jesus o ilod lo rumok an murnap Awan Urgan diŋane wa. Nal an lo man Jesus lak na yaŋak tubun ak iŋane wo gamugo isuda yau da, ago yan lo Awan Urgan dam gamugo idu da.

<sup>40</sup> Tamolpein aenta ru an duloŋ go igo dubol, “Rumok, tamol nek en profet tubun a Anut igane ipalu wo ibol ama ya.”

<sup>41</sup> Ago dugo aenta igo dubol, “En mi Kristus.”

Gug aenta dubol, “En dugo woŋ pe Kristus iŋ Galili na ilasa wak i? Tia geig a! <sup>42</sup> Man dugo, ru ta Anut san buk lo igo ibol, Kristus iŋ Kiŋ Dawid malan kubulan. Agod iŋ panu Betlehem na, Dawid san fun panu lo ilasa wa.” <sup>43</sup> Jesus niŋen o tamolpein sed itarpaleg malan wei mi dilasa ya.

<sup>44</sup> Aenta Jesus dusubani wo digane, ago gug tinin ta kitek diabi man tia ya.

### **Juda sad gurman adi Jesus niŋen o ilod ta rumok na ya.**

<sup>45</sup> Agog tempel titianek adi dumul pris gurman iŋ Farisi adi dida sad na diau, agog gurman iŋ dusumianaig dubol. “Aŋ dugog tamol an abig, aŋaneg ta apalu na yak i?” <sup>46</sup> Gug tempel titianek igo dubol, “Gubak mi tamol ta ru ago ibol ilasa dop taloŋ man tia geig a.” <sup>47</sup> Ago tag Farisi adi igo dupidai, “Dugudo? Aŋ dam irawaŋ go iŋ niŋen o ilom rumok di?

<sup>48</sup> Dugo, maŋ gurman lulunama lo, tia, Farisi adi lulunad lo ta kisaek tamol en niŋen o ilon rumok ak ale i? Man tia geig a. <sup>49</sup> Tamolpein kawan kawan, idsad kubiaeŋ ta duloŋ uyan na den mi, tamol an niŋen o ilod

rumok da. Fun amaiak ninen o in fidian Anut san misilane paen na dumado da.”

<sup>50</sup> Ago dugo Farisi sad gurman ta yajan Nikodemus, in gubak mi Jesus san na yau amaiak imasag igo ibol, <sup>51</sup> “Idsad kubiaen, dugo ibol i? Id sen kawan tamol ta ru lo ka tigane wak i? Id in awan talon dop, dugo dugo igane yan kuai tupani gup, tibitinae a.”

<sup>52</sup> In awan diabig igo dubol dupei, “Nag on dam Galili tamol i? On ru Anut san buk lo yan sutip ule gup ulon a, profet ta Galili na ilasa san man tia geig a.” <sup>53</sup> Ago gug in dufurak go ab anen anen ate diau a.

### Pein ta jeit kagin igane ya

**8** <sup>1</sup> Agog Jesus imasag, Did Oliv fo isida yau a. <sup>2</sup> Tidom lom mok in imul fon tempel lo yau dugo, doup tubun ante dumado yan dupalug dulubani a. Ago tag in imasig Anut san ru ipitejanai a. <sup>3</sup> Ago dugo kubiaen tamol in Farisi adi dida, pein ta jeit kagin igane dugo dile tag diabig, dijanen dupalu ya. Agog malak malak titinaem dugunig ago itur dugo, Jesus dusumianig dubol, <sup>4</sup> “Girek manau, pein en iwon anda ak gug, tamol sen ak da jeit diabi dugo meil a. <sup>5</sup> Aria ulon, Moses san kubiaen lo, ru kagin dabai ak igo irupaiad a, pein ta kagin ago igane tap pat nam afuni imat a. On an ninen o dugo ubol ak i?” <sup>6</sup> Gug an man sen kawan in dukubianip, ru sukurun ta ibol saian dop, ate dusbani wo ago digane ya.

Gug Jesus itakoksig, banin kikoun nam tan aten fufo igire ya. <sup>7</sup> In afon mi dusumiani on tag, ifotsag igo ibol irupudai, “An lulunam lo enti aupasek aman tia yan, in malan imug pe pat injanep, pein en tinin fufo ibal a.” <sup>8</sup> Ago ibol itout an fon itakoksig, tan aten fufo igire se ya. <sup>9</sup> Aria, talpein ru an dulon man kankan dijaneg kisaek kisaek mi ditapas diau se ya. Busumadi ak imug gug, aenta dam ago mi digane yau nad, Jesus mi in pein an da nuod uraru mi dumado ya.

<sup>10</sup> Agog Jesus ifotsag imasa itur gug pein an isumiani, “O pein, en dugon te diau ak i? Dugo, tamol ta kisaek ru lo ta ibio udu na yak i?”

<sup>11</sup> Ago dugo pein an ibol, “O Tubun ak, tamol ta ru lo ibiag ndadu man tia ya.”

Ago tag Jesus irupei, “Inai dam nibio udu san tia ya. Waup, afon aupasek ta gane na wa.”

### Jesus in tan en san lilaman

<sup>12</sup> Tamolpein fon Jesus san na dupalu tag, in irupidaig ibol, “Inai tan en san lilaman. Tamol enti a ndai ndieg aban iri dan, in tidom tubun lo ta itor na wa. Tia, in kumaen san lilaman anda itor a.”

<sup>13</sup> Ago tag Farisi adi in Jesus durupei, “On onse ninge wo mi ru ubol da, fun an ninen o idsad kubiaen ibol man onane ru an dabai an tia ya. On ru kawan ubol da.”

<sup>14</sup> Jesus awad yabig ibol, “Rumok, gidad naiseg ninjeg o mi nabol ak gug, naisag ru en ru rumok. Man dugo, nai dugot nag nupalu yan nalon a, agod fon dugon te nau an dam nalon a. Gug an man nai dugot nag nupalu yan ta alon na ya, ago dugo nai dugon te nau o dan, an dam an ta alon na ya. <sup>15</sup> An tan en san kagin lo mi tamolpein kubianek lo adirai da, gug nai talpein kisaek kubianek lo ta nigane na da. <sup>16</sup> Ak gug, nai bitinaek nigane tap, man naisag bitinaek itaot mok a. Man dugo, nai seg kisaek bitinaek ta nigane na da, tia, Bai in nai idinag go nupalu yan, in ilon niganurig in nai da sisem iloma kisaek gup, bitinaek nigane da. <sup>17</sup> Ansam kubian lo igo digire ya, tamol uraru ru kisaek mi dubol tap, insad ru an rumok di dabai geig a. <sup>18</sup> Nai naiseg ninjeg o nabol da, agod Bai dam nai idinag go nupalu yan, in naisag ru dabai ipani da.”

<sup>19</sup> Ago tag in dusumiani, “Onane tama dugon te imado di?”

Agog Jesus awad yabig ibol, “An nai ta alon na ya, naineg Tamag dam ta alon na ya. An nai alon ak man, naineg Tamag dam alon a.” <sup>20</sup> Saen a ru ibol an man, tempel ilon lo moni san kunup yen dak giran na imado dugo, tamolpein manau ipiterjanai se ya. Gug talpein ta yabip isubani wo igane man tia ya. Man dugo, insan imat san nal gamugo da.

### **Jesus yau dan ate in dupalu san tia ya**

<sup>21</sup> Jesus fon irupidai, “Nai nubisawan pe nau dop an abanag abi wa, ago gup ta aliag na wa. An ananem aupasek Anut ta isuas na dop, ansam aupasek ilom lo yen dan ida amat a. Aben ate nai nau dan an ate au san tia ya.”

<sup>22</sup> Ago dugo Juda adi igo dubol, “In ibol ak, in ate yau dan id ate tau san tia ya. Dugo, dag insen ifuni imat o ago ibol di?”

<sup>23</sup> Gug Jesus ru awan ibateg igo irupidai, “An man aben a paen na amaiak san apalu ya, gug nai man lak na amaiak san nupalu ya. An tan en san, gug nai tan en san tia ya. <sup>24</sup> An ninen o nai nupupaian la ya, ansam aupasek ilom lo yen dan ida amat a. Man dugo, rumok nunon, ‘Naiseg Nai Numado Dan’<sup>c</sup> an gidad ilom lo rumok a. Tia dop, ansam aupasek ilom lo yen dan ida amat pe an lo adeg au a.”

<sup>25</sup> In dusumianig dubol, “On enti mok i?”

Ago tag Jesus awad yabig ibol, “Nai nek en, seg ninjeg o gubak mi nupupaian go alon la ya. <sup>26</sup> Saen nai an kot lo nidiran dop, ru wei mi nupunan a. Ak man nai seg ilog nam ago nigane san tia ya. Tia, Enti a nai idinag go nupalu yan, insan kagin rumok geig a, in naisag ru dabai ipani wa. Nai tan en lo numado dugo, ru a in ibol dugo nalon ak ago mi tan en san tamolpein nupupidaip dulon a.”

<sup>27</sup> In Taman ninen o irupidai dan ta dulon uyan na ya. <sup>28</sup> Ago tag Jesus ibol, “Murnap an Tamol Nanun abisa dop, an lo gup an ilom isafulale

---

<sup>c</sup> Yanak an Anut insen ninen o Moses naon na ibol ilasa ya.

wak, ‘Ŋaiseg, Ŋai Ŋumado Dan’ nek ema ya. Ŋai mel ta seg ilog nam ŋigane san tia ya, tia, ŋai ru ŋabol den man Bai mi ŋai ikubiai panag a, ru nek an mi ŋurupaiaŋ go alon da. <sup>29</sup>Enti a ŋai idinag go ŋupalu yan iŋsen mi ŋai ida mumado da, agod iŋ ŋai ibisawag go seg ta ŋumado na da. Man dugo, iŋ ilon yen dan ago mi ŋuri ŋupani da.” <sup>30</sup>Iŋ ago ibol dugo, tamolpein wei mi iŋaned ilo rumok iŋ lo digane ya.

### Abraham malan kubulan

<sup>31</sup>Aria, Jesus Juda tamolpein a iŋ o ilod lo rumok an irupudaig ibol, “Aŋ ŋaineg ru abi sakar tap, aŋ ŋaineg megeloum mok a. <sup>32</sup>Agop aŋ ru rumok an alon a. An lo ru rumok san dabai lo aŋ urat bigabeg igo woŋ amado san tia ya.”

<sup>33</sup>Ago tag iŋ ru naon igo durupei, “Maŋ Abraham malan kubulan mok a, maŋ urat bigabeg adi igo woŋ talpein ta paen na ta mumado na ya. Man ata wo maŋ talpein an paen na ta mumado na wak, ago ubol di?”

<sup>34</sup>Jesus awad yabig igo ibol, “Rumok nuŋon mi ŋurupaiaŋ da. Tamolpein a aupasek digane dan iŋ aupasek san urat bigabeg dumado da. <sup>35</sup>Urat bigabeg adi man iŋ tamad san warou lo aben amad tia ya. Gug nanuk man iŋ taman da pempem dumado da, man dugo, taman san dar lo ilasa ya. <sup>36</sup>Ago yak niŋen o Nanuk iŋ aupasek san dabai aŋ ibiaŋ adu dan tuon lo ipasaŋ tap, aŋ bigabeg adi igo woŋ ta amado na wa, tia, nanuk mok igo woŋ ator a. <sup>37</sup>Ŋai ŋalon ak, aŋ Abraham malan kubulan. Ago bo man aŋ ŋai afunag ŋamat san dal ale wo malam agane da. Man dugo, aŋ ilom lo ŋaisag ru en aben ta ate ka yen san tia ya. <sup>38</sup>Ŋai mel a fidian Bai naon na ŋumado dugo ŋile yan mi ŋurupidai alon da. Gug aŋ ru dugo aŋanem tamam irupaiaŋ go alon ak, nek an mi ari da.”

### Satan malan kubulan

<sup>39</sup>Iŋ Jesus awan diabig dubol, “Abraham mi maŋsama tamama.”

Gug Jesus igo ibol, “Aŋ Abraham nanun muroun mok ak man, kagin naok a Abraham igane na yan aŋ atutuŋani wa. <sup>40</sup>Ŋai ru rumok Anut san na ŋiŋane an mi ŋurupaiaŋ alon da. Ago bo man aŋ ŋai afunag ŋamat o agane da. Abraham kagin naok ago yan ta igane na ya. <sup>41</sup>Tia, aŋ kagin a gamu agane dan man, aŋanem taman mok san kagin mi atutuŋani da.”

Agog iŋ dumasa saian geig go durupei, “Maŋ jeit kagin lo ta milasa na ya. Tia, maŋ tamama man Anut mi sen kisaek a.”

<sup>42</sup>Jesus awad yabig ibol, “Isop Anut iŋ aŋanem Tamami an rumok tap, aŋ ŋai niŋeg o amat a. Man ata wo? Ŋai Anut san nag ŋupalu ya. Ŋai ŋaisag ilo sou lo mi ta ŋupalu na ya. Tia, Bai ŋai idinag go ŋupalu ya. <sup>43</sup>Ata wo aŋ ru e ŋabol den niŋen o ilom itarpasi san ta idaisuda na yak i? Fun igo ya, aŋ ŋaisag ru ŋabol den alon san kududom itau aman a. <sup>44</sup>Aŋanem tamam Satan, aŋ iŋanen nanun muroun mok a. An lo aŋ ilom man, iŋanen ilobol

mi aganuri wa. Fun mok lo ipalug gamu en, ijanen kulob mok man, in tamol ifu dumat na ya. In tinin lo ru rumok ta yen na ya, ago tag ru rumok ak ta yabig iri na da. Saen in ru sewak ibol dan, ijanen muroun ru ibol da. Man dugo, in sewak tinan, agod in sewak fidian an sad tamad mok imado da. <sup>45</sup>Gug nai ru rumok ak mi jurupaian da, fun an ninen o an nai nireg o ilom ta rumok na ya! <sup>46</sup>An lulunam lo tamol ta kisaek, nai aupasek ngane yak ninen o ilog isue san idaisuda yak i? Man tia geig a. Ago tag, nai ru rumok jurupaian alon da. Ak dugo, en ata wo ru e nabol den ilom lo ta rumok na dak i? <sup>47</sup>Ta in Anut san tap, Anut awan ilon dop iri wa. An Anut awan ta alon na dan fun man, an Anut san tia ya.”

### Abraham ta ilasa na dugo Jesus imado ya

<sup>48</sup>Juda adi tinaed saian dugo awan diabig igo dubol, “On Sameria tamol, agod on ur saiak ama da ya! Ago mabol an ta rumok na yak i?”

<sup>49</sup>Jesus ibol, “Nai ur saian amag tia ya. Nai naineg Tamag yan an mi nabisa da, ago dugo an nai yanag abi idu da. <sup>50</sup>Nai seg yanag nabisa wo urat ta ngane na da. Tia, Tamol sen ak nai yanag yabisa wo urat igane da, agod insen mi in Bitinaek Tamol a. <sup>51</sup>Nai ru rumok jurupaian da, talpein enti a nai awag iri ipani dan, in maten ta ile na wa.”

<sup>52</sup>Juda adi ago dulon go awad ipuk go dubol, “Man gamu malon uyan ak, on ur saian ama da ya. Abraham imat la yak, profet adi dam wagam mi dumat la ya. Ago bo man on talpein onane awa iri ipani dan maten ta san tia ubol da. <sup>53</sup>Dag on idsad tubud baged Abraham rinani ak ubol di? In maten ile ya. Agod profet adi dam maten dile ya. Ak dugo, onane ilo sou lo, on enso tamol i?”

<sup>54</sup>Jesus ru naon igo ibol, “Naisag yanag nabisa dop man, nai yanag an kawan a. Gug naisag Bai, in ananem Anut abol dan, in nai yanag yabisa da. <sup>55</sup>An in ta alon na yak bo man nai in nalon a. Ak nai in ta nalon na yak nabol ak man, nai sewak tamol, nek an igo mi a. Gug rumok, nai in nalon a, ago dugo in awan kagin nupani da. <sup>56</sup>Ananem tubum bagem Abraham naisag dal ile wo ilo sou igane dugo youn isusa ya. Aria, in naisag nal ile man ilon uyanan a.”

<sup>57</sup>Ago tag Juda adi durupeig dubol, “Ak dugo, onsa ananar gamugo 50 yabi bo man on Abraham ule ubol di?”

<sup>58</sup>Jesus ru naon irupidaig ibol, “Nai rumok nunon mi jurupaian da. Saen Abraham gamugo ilasa dugo Naisag, Nai Numado Ya.” <sup>59</sup>In ago ibol an pat duburoug sen nam dufuni wo digane ya, ak man Jesus mianuk lo lulunad lo itapas go sen tinin imianig tempel patun fo yau a.

### Jesus tamol malan itau ak ikubune ya

**9** <sup>1</sup>Jesus turen yabig yau dugo, tamol ta malan itau ak ile ya. In tinan tinaen lo mi mala tia igansi a. <sup>2</sup>Jesus sinanen megeloum dusumianig

dubol, “Girek manjau, enti san ai wadan ninjen o nanuk an malan itau aman tinan igansi ak i? Injsinanen ai wadan i? Tia, tinan taman sadi ak i?”

<sup>3</sup>Ago gug Jesus awad yabig ibol, “Tamol en san ai wadan tia ya, tinan taman dam sad ai wadan tia ya. Kulob en igo ilasa yan, ate murnap Anut injanen urat san dabai tamol en tinin lo tamolpein ikubiaip dile wa. <sup>4</sup>Gamu ad aman tumado den lo, id Enti a naj idinag go nupalu yan injsan urat tigane wa. Mitep tidom idu dop man, talpein ta urat igane san tia ya. <sup>5</sup>An ninjen o saen naj tan ente numado den lo, naj tan en san tamolpein lilaman nupidinai da.”

<sup>6</sup>In ago ibol go, ilusu tan fo idug, tan da ikubulig injaneg, tamol malan ate ibubuni a. <sup>7</sup>Agog irupei, “On waup, you saltek Siloam lo mala fulani wa.” (Siloam yanan fun man: in idinig yau a.) Ago tag yang malan ifulanig, malan uyan go aban ile gug sinan ab lo yau a.

<sup>8</sup>Aria, muroun susumeik an, agod tamolpein a in wagam mi dile dulong na yan durut saian go nug dusumianig igo dubol, “Dugo, tamol en wagam mi malan itau imado dugu moni o igod se ama i?” <sup>9</sup>Ago dugu aenta igo dubol, “Nek tamol ama ya.” Ak man aenkadi dubol, “Man tia ya, tamol en naon nek ago mi a, gug en man tamol sen ta ya.”

Ago dugu tamol an igo ibol, “Tia, en naiseg.”

<sup>10</sup>Ago tag dusumiani, “On dugu ganeg mala uyan ak i?” <sup>11</sup>In awad yabig ibol, “Tamol a Jesus dubol damaiak gigeo injaneg malag ibubunig ago ibol irupaig, ‘On waup, you saltek Siloam lo mala fulani.’ Ago tag naj naug malag nufulani man, naj aban nile ya.” <sup>12</sup>Agog in dusumiani, “Tamol an dugu mi ak i?”

Ago dugu in ibol, “Nai ta nalon na ya.”

<sup>13</sup>Agog tamol a wagam malan itau an dijaneg, dida Farisi adi sad na diau a. <sup>14</sup>Gug nal a lo Jesus tamol malan iganeg uyan an man Sabat nal lo ya. <sup>15</sup>An ninjen o Farisi adi in dugu iganeg lo aban iled amaiak ninjen o dusumiani a. Ago tag in ibol, “Tamol an gigeo injaneg malag ate ibubuni a, ago gug idinag go naug you malag nufulani an lo naj malag ipuk go aban nile da.”

<sup>16</sup>Ago tag Farisi aenta igo dubol, “Tamol an in Anut san nag ta ipalu na ya, man dugu, in Sabat nal san kubiaen ta iri na da.” Gug aenta dubol, “En dugu won pe tamol aupasek anda yak kulob girager igo yak ka igane wak i?” Nek an log nug ditarpaleg malan uraru dilasa ya. <sup>17</sup>Agog fon tamol an dusumiani dag dubol, “Tamol a on mala ikubuneg uyan an ninjen o dugu ilo isou di?”

Ago tamol an awad yabig ibol, “In profet a.”

<sup>18</sup>Juda adi tamol a imug malan itau an ninjen o nen ilod ta rumok geig na ya. Ago tag injsan tinan taman digiaig dupalug dusumianai, <sup>19</sup>“Dugo, en ananem nanum mi ak i? Dugo, in malan itau man tinan igansi ak i? Agog gamu en dugu iganeg aban ka ile di?”



<sup>20</sup>Agog tinan taman ru naon durupidaig dubol, “Manj malonj ak en manjanema nanuk a. Saen tinan igansi man malan tia imado ya, an dam malonj a. <sup>21</sup>Ak gug inj dugo iganeg lo abanj ka ile yan man manj ta malonj na ya. Inj tamol igane la ya, an ninjen o injen asumiani dop, sen fun ibol alonj a.” <sup>22</sup>Tinan taman inj Juda adi ninjedi wo direr, an ninjen o inj ru ago dubol a. Man ata wo? Juda gurman adi imug dutumanig ru igo dufuni a, talpein ta Jesus ninjen o Kristus ibol dop man, inj dukudip, midaen patun fo ilasa wa. <sup>23</sup>Kagin nek an ninjen o tinan taman inj ago dubol, “Inj tamol igane la ya, an ninjen o injen asumiani.”

<sup>24</sup>Agog tag tamol imug malan itau an afon mi duwagig durupe, “Onj Anut yanan mi wabisa. Man dugo, manj malonj ak, Jesus man aupasek tamol a.”

<sup>25</sup>Tamol imug malan tia an awad yabig ibol, “Inj aupasek tamol boi, tia, tamol uyan boi, an naj ta njalonj na ya. Mel kisaek naj njalonj ak man, wagam naj malag itau gug, gamu naj abanj ka njile da!”

<sup>26</sup>Agog inj dusumianig dubol, “Inj onj lo dugo igane yak i? En dugo wonj mala igane ipuk ak i?”

<sup>27</sup>Inj ibol, “Inj gubak mi njurupaianj la ya, gug anj alonj an amoi. Anj ata wo alonj da wo asumianag di? Dag anj dam injen megeloum alasa wo abol duboi i?”

<sup>28</sup>Agog tag inj naon dufute dupeig dubol, “Onse mi injen megeloum, manj man Moses san megeloum a! <sup>29</sup>Manj malonj ak Anut sen inj Moses da dinjenj a. Gug tamol a Jesus dubol dan inj dugon teg ipalu yan fun ta malonj na ya.”

<sup>30</sup>Tamol an awad yabig ibol, “Anj ru naon senamo geig anjenj da! En dugo wonj go anj inj dugon teg ipalu yan fun ta alonj na yak i? Tamol an naj malag ikubuneg gamu abanj njile da. <sup>31</sup>Id talonj ak, Anut tamol aupasek amad da yak awad ta ilonj na da. Inj talpein a inj awan iri dugo, ubou an ile dan mi awan ilonj da. <sup>32</sup>Talpein ta ago malan itau man tinan igansip, tamol sen ak malan ikubune yak, id kududod kulob naok ago yan imug ilasa dop talonj man tia ya. <sup>33</sup>Tamol en Anut san nag ta ipalu na yak man, inj urat naok igo yak igane san tia ya.”

<sup>34</sup>Ru an ninjen o Juda gurman adi tinjed saian go dupei, “Onjane tina iginios dugo, aupasek onj tini injanefute la ya! Ago tag, ata wo onj manj pitejanama wo gane di?” Ago dubol go kuai te dubal ilasa yau a.

### **Intudi malad itau a**

<sup>35</sup>Jesus tamol an kuai te dubal ilasa yan san ru ilonj a. An lo abanj an yabi yang ile tag irupe, “Onj Tamol Nanun en ilo lo rumok i?”

<sup>36</sup>Agog tamol an ibol, “O Tubun en, Tamol Nanun en enti i? Ubol njalonj pe, naj inj o ilog lo rumok a.” <sup>37</sup>Jesus ibol, “Onj inj ule la ya. Nek gamu onj inj da anjenj da.”

<sup>38</sup>Ago dugo tamol an naon na turun isaluwig igo ibol, “O Tubun en, ηai ilog lo rumok a.” Agog ubou an ile ya.

<sup>39</sup>Jesus ibol, “ηai tan ente tamolpein ηitarpalaip malan uraru dilasa wo ηupalu ya. An ninen o mala itau adi aban dile wa, ago dop talpein aban diled dubol dan man, malad itau dilasa wa.”

<sup>40</sup>Farisi adi aenta in da dumado yan, ru an dulon go igo dubol, “Man dam malama itau ak ago ubol di?”

<sup>41</sup>Jesus ibol, “An malam tia yak man, aupasek amam tia wa. Ak man an malam ipuk ak abol dan lo anjam aupasek yen da.”

### Sipsip sad ar san ru fanan

**10** <sup>1</sup>Jesus ago ibol, “ηai rumok nunon mi ηurupaian da. Tamol enti in sipsip sad ar san dalawan lo iladu an imoi, ago gug yang ar awan sen ak fo isudag, ilon lo iladu dan man, in gumagam tamol mala suek igane wo ipalu da. <sup>2</sup>Gug tamol a in dalawan lo mok iladu dan, in sipsip sad titianek tamol mok. <sup>3</sup>Dalawan san titianek tamol in tamol en dalawan ipasi pani da. Ago dugo sipsip dam inaned tamad awan dulon da. Agop saen in yanad atem ipatep, igiai tap, in awan dulon pe, ηien aban fo kuai te dilasa wa. <sup>4</sup>Aria, saen in kuai te dilasa itout dop, in tamad imug yau dop, ηien aban fo diau a, man dugo, in tamad awan dulon uyanan a. <sup>5</sup>In tamol sen ak ta diganurip diau san man tia geig a. In awan ta dulon uyan na yak ninen o direr pe dusol diau a.” <sup>6</sup>Jesus ru fanan an ago ibol irupudai a, ago gug in san ru an fun ta dulon na ya.

### Jesus in sen sipsip sad titianek tamol mok a

<sup>7</sup>An ninen o Jesus fon igo ibol, “ηai ru rumok ηurupaian da. ηaiseg mi, ηai sipsip sad ar san dalawan. <sup>8</sup>Tamol fidian a ηai gamugo ηupalu dugo, in imug dupalu na yan, in gumagam tamol. An ninen o sipsip in awad ta dulon na ya. <sup>9</sup>ηai mi dalawan. Ta in ηai lo iladu dan, in patu pasek in anep imado uyan a. In ηai lo iladu ilasa dop, anan yani uyan a. <sup>10</sup>Gumagam tamol man in igam o, sipsip ifu dumat o, mala suek kagin mi igane wo ipalu da. Gug ηai man ηaineg sipsip kumaen ηupidinaip, kumaen an ago in lo awan isap, yen san ninen o ηupalu ya.”

### Jesus in sipsip sad titianek uyanan a

<sup>11</sup>“ηai sipsip sad titianek uyanan mok a. Titianek tamol uyanan mok man, in sinan tinin in anen sipsip niηedi wo igane idug imat a. <sup>12</sup>Tamol in urat naon in ane wo mi, urat igane dan man, in titianek tamol mok tia ya. In sipsip sad tamadi dam tia ya. Ago yak ninen o goun kasik ipalu dop, in irer pe sipsip ibisawai yau a. Ago dop goun kasik an sipsip ifu iratitalaip, dufurak diau a. <sup>13</sup>Fun dugo isol yau ak i? In nek tamol ta moni nam diabi dan mi a, tamol naok ago yak sipsip o ta ilon isou na da.

<sup>14</sup>Ŋai sipsip sad titianek tamol uyan a. Ŋaineg sipsip ŋalɔŋ do, iŋ ŋai duloŋ a, <sup>15</sup>nek ibol Bai ŋai ilonɔ dugo, ŋai iŋ ŋalɔŋ ago mi a. Ŋaiseg tinig en sipsip niŋedi wo ŋubusei idu wa. <sup>16</sup>Ŋai sipsip malan taida mi sad tamad, iŋ ar en san tia ya. Sipsip an dam ŋaŋal ŋupalup ar en lo diladu wa. Iŋ dam ŋai awag duloŋ a, ago dop man sipsip malan kisaek ak, agod iŋaned titianek tamol dam kisaek a. <sup>17</sup>Bai ŋai niŋeg o imat mok dan san fun man, ŋaiseg tinig ŋibisei wak gup, fon ŋiŋane da wa. <sup>18</sup>Tamol ta iŋ ŋai iginiag ŋamat san man tia ya. Tia, ŋaineg ilog ibol ak atem ŋaiseg tinig ŋibisei pidinai a, ago gup fon ŋiŋane da wan san dabai ŋai tuog lo yen da. Bai sen ŋai ago ŋiŋane wo ibol a.”

<sup>19</sup>Juda adi ru an duloŋ go fon ditarpaleg malan uraru dilasa ya. <sup>20</sup>Tamolpein wei mi igo dubol, “Ur saiak iŋ lo imado dugo, burau ifunig ru ŋiŋeo ibol da. Ata wo iŋsan ru talonɔ dak i?”

<sup>21</sup>Gug aenta igo dubol, “Ru naok ago yan, tamol enti iŋ lo ur saiak yen dan awan lo ta ilasa na da. Ak dugo, ur saiak ta tamol malad itau ak ikubuniaip fon abanɔ dile san idaisuda yak i?”

### **Juda adi Jesus niŋen o ilodi ta rumok na ya**

<sup>22</sup>Tempel ab awan pasek san ilo isou nal tubun ak Jerusalem na ilasa ya. Nal an madid san saen lo ilasa ya. <sup>23</sup>Nal an lo Jesus tempel san tumanek aben lo, Solomon san Madok Aben dubol dan te itor a. <sup>24</sup>Ago dugo Juda adi dufutani dulubanig igo dubol, “Nal saŋeptap onɔ enti mok an kuai tem ubol dop malonɔ ak i? Onɔ Kristus dop man, kuai tem ubol dop malonɔ.”

<sup>25</sup>Jesus awad yabig igo ibol, “Ŋai anɔ ŋurupaianɔ la ya, ago gug anɔ ilom lo ta rumok na ya. Ŋai urat girager a fidian Bai yaŋan lo ŋiŋane se yan, amaiak ŋai fug mok kuai te igane ilasa dugo ale ya. <sup>26</sup>Gug anɔ ananem ilo rumok ŋai lo ta agane na yan san fun man, anɔ ŋaisag sipsip tia ya. <sup>27</sup>Ŋaisag sipsip ŋai awag duloŋ dak, ŋai iŋ ŋalɔŋ a, agod iŋ ŋai ŋieg aban diri da. <sup>28</sup>Ŋai kumaen pempem san ŋupidinai a, an niŋen o iŋ pempem ta dideg diau na wa. Tamol ta ŋaisag sipsip ŋai banig lo ipasaip diau san tia geig a. <sup>29</sup>Ŋai Tamag enti a sipsip an ipanag dan iŋsen mel aenta fidian irinanai geig a. An lo tamol ta ŋaineg sipsip ŋai Tamag banin lo ipasaip diau san dam tia ya. <sup>30</sup>Ŋai Tamag da fuma kisaek a.”

<sup>31</sup>Ago tag Juda adi fon pat duburoug, dufuni imat o da. <sup>32</sup>Ak man Jesus irupudaig ibol, “Ŋai Tamag wagen lo kulob girager tubun geig ak wei mi ŋukubiaig ale ya. Kulob girager an lulunad lo kulob dugo yak niŋen o amoi dop, an lo pat nam ŋai afunag o abol di?” <sup>33</sup>Juda adi ru naon igo dubol durupe, “Man onɔ kulob girager ak gane yan ta niŋen o mufuno wo iloma ago ta yen na da. Tia, fun man onɔ tamol kawan gug onɔ onse Anut ubol da! An niŋen onɔ Anut yaŋan wabi idu da.”

<sup>34</sup>Jesus ru naon irupudaig ibol, “Alonɔ, anɔsam kubiaenɔ yen dan lo Anut san ru ta igo ibol, ‘Ŋai igo ŋabol, anɔsem tubud a.’ <sup>35</sup>Alonɔ, Anut iŋsan ru

girek an lo, tamolpein a iŋsan kubiaen diŋane yan, irupudaig igo ibol, ‘ansem kisaek kisaek tubud a.’ Gug tamolpein an dam tamol kawan mi a. Aria, Anut san ru a ru girek lo yen dan nuŋon an tia kawan yen san tia ya. <sup>36</sup>Ago yak niŋen o, ‘Ųai Anut Nanun’ ago ŋabol tap, en ata wo ŋai Anut yaŋan ŋabi idu dak ago abol di? Ansam ilo saiak fun tia ya. Ata wo ŋai tamol kawan ak ago ilom isou di? Anut sen ŋai ipilianag go tan na iginiag ŋadu yan aŋ ta alon na yak i? <sup>37</sup>Urat a ŋaineg Bai igane dan ŋai dam urat kisaek mi ŋigane da. Isop an rumok tia tap, aŋ ŋaisag ru an ilom lo ta rumok na wa. <sup>38</sup>Ak man rumok, ŋai iŋanen urat ŋigane da. An niŋen o gidad, aŋ ŋaisag ru ilom lo ta rumok na yak abol bo man, kulob girager ŋigane dugo, ale yan fidian an niŋen o, aŋ ŋai o ilom rumok a. An lo dop aŋ ilo girek aganep, alon uyan ak igo, Bai ŋai lo imado dak, ŋai Bai lo ŋumado da.” <sup>39</sup>Iŋ ago ibol tag Juda adi fon diabi wo digane, ak man iŋ banid lo ikisaluk ilasag yau a.

<sup>40</sup>Jesus fon you Jordan lo yaug, ituteg, aen ate aben a wagam Jon tamolpein isuguai na yan ante ilasag imado se ya. <sup>41</sup>Ante tamolpein wei mi iŋsan na diaug igo dubol, “Rumok, Jon iŋ kulob girager ta kisaek igane man tia ya. Ago gug Jon tamol en niŋen ru fidian ibol na yan man ru rumok a.” <sup>42</sup>An niŋen o saen Jesus aben ante imado yan, tamolpein wei mi iŋ niŋen o ilod lo rumok a.

#### Lasarus imat a

**11** <sup>1</sup>Tamol ta yaŋan Lasarus, iŋ subam aman da ya. Iŋsan lun man Maria iŋ Marta da, iŋ man panu Betani san tamol. <sup>2</sup>Maria nek amaiak murnap Jesus ŋien gureŋ yamisip, gumuran roun sen nam isasi wa. <sup>3</sup>Man niŋen o lun uraru an Jesus san na ru digane yau a. Agog ago dubol durupeŋ, “Tubun en, tamol e oŋ niŋen o umat den iŋ subam ifuni a.”

<sup>4</sup>Jesus an ilon go ibol, “Subam an man tamol an igane imat mok san tia ya. Tia, an man Anut san girager tubun ak tamolpein ikubiai dilep ate yaŋan diabisa san. Nek kulob an lo Anut Nanun dam yaŋan tubun ak iŋane wa.” <sup>5</sup>Jesus man Marta, tein Maria, lud Lasarus da niŋedi wo tubun mi imat da. <sup>6</sup>Aria, iŋ Lasarus subam ifuni dak san ru an ilon ak man, panu ante nal uraru taida imado ya.

<sup>7</sup>Murnag megeloum adi ago irupudai, “Id Judea distrik lo fon tamul tau a.” <sup>8</sup>Megeloum durupeig dubol, “Girek maŋau, nor wari na geig Juda adi oŋ lo pat dubal o digane ya. Gug oŋ fon ante umul wau o ubol di?”

<sup>9</sup>Jesus awad yabig, ru tuanek igo ibol irupidai, “Ilalaŋ san saen an yaup gurai isi dop, an nal kisaek igo ya. Tidom idu san gamugo da. Ta iŋ ad lo itor dan, iŋ tan en san ilalaŋ an ile dop, iŋ ŋien isuep, yau idu san tia ya. <sup>10</sup>Ago gug ta iŋ tidom lo itor dan, iŋ lo ilalaŋ tia yak niŋen o ŋien isuep, yau idu wa.”

<sup>11</sup> Jesus fon mi igo ibol irupudai, “Idsad turad Lasarus yen padal a. Gug ηai ηaup, ηufufunip imasa wa.”

<sup>12</sup> Ru an dulong tag megeloum durupeig dubol, “Tubun en, iη yen dan ubol man, fon ka imasa dap uyan a.” <sup>13</sup> Jesus Lasarus imat la yak niηen o ibol da. Gug megeloum adi Lasarus yen padal dak niηen o Jesus ibol ago dubol a.

<sup>14</sup> Ago yak niηen o Jesus kuai te ibol irupudai, “Lasarus imat la ya. <sup>15</sup> Gug ηai ante ta ηumado na yan niηen o ilog uyan. Man dugo, en aη ibinawaη dop ηai niηeg o ilom lo rumok a. An niηen o iηsan na taup tile wa.”

<sup>16</sup> Agog Tomas, iη yaηan neinta Didimas dubol dan, iη megeloum aenta irupudai, “Gidad taup, id Jesus da sisem tamat a.”

### **Jesus iηsen tamolpein a kumaen dumasa wak sad tamadi**

<sup>17</sup> Jesus yaug ilasa dugo, iη Lasarus nal iwoiwo gib lo yen an san ru ilon a. <sup>18</sup> Panu Betani man kitek Jerusalem sumeikan a, kilomita utol igo wonη yen da. <sup>19</sup> Juda tamolpein wei mi Marta Maria da ludi imat ak niηen o dabai dupidinai o dususa ya. <sup>20</sup> Saen Jesus ipalu dan Marta ago ilonη tag, imasag dal na ile wo yau dugo, Maria iη ab lo imado se ya.

<sup>21</sup> Marta Jesus irupeī, “O Tubun ak, oη ente mado yak man, ηaigneg lug en imat san tia ya. <sup>22</sup> Ago bo man ηai ηalonη ak, oη mel ta niηen o Anut gudani dop man, en fidian ka ipano wa.”

<sup>23</sup> Jesus Marta irupeig ibol, “Oηane lu fon kumaen imasa da wa.”

<sup>24</sup> Marta awan yabig ibol, “Rumok, ηai ηalonη la ya, nal wadan lo gup Anut tamolpein fidian ifufunaip dumasa wa. An niηen o nal an lo dop ηai lug dam fon imasa da wa.”

<sup>25</sup> Agog Jesus igo ibol irupeī, “ηai mi, ηai tamol fon imasa da wan san taman, ηai mi kumaen san taman. Gidad talpein enti a ηai o ilon lo rumok dan imat bo man, iη kumaen imasap imado wa. <sup>26</sup> Agod dam, talpein enti a gamugo imat dugo ηai o ilon lo rumok dan, iη pempem mateη ta ile na wa. Oη an o ilo rumok ak i?” <sup>27</sup> Marta irupeī, “Awo, Tubun en. ηaisag ilo rumok nek igo, oη Kristus, oη Anut Nanun. Oη tamol nek emaiak tan ente palu wo Anut ibol a.”

<sup>28</sup> Marta ago ibol go yaug, tein Maria yabig irae ipalug, kisik kisik nam kududon lo iηiηeη go ibol, “Girek maηau ipalug, imado da. Iη oη ilio wo ibol a.” <sup>29</sup> Maria ru an ilonη tag, ririan imasag, Jesus san na yau a. <sup>30</sup> Jesus panu ante gamugo ilasa ya, tia, aben a imug mi Marta da dutumani ante mi imado ya. <sup>31</sup> Tamolpein a Maria da ab lo ditatad dumado se yan, Maria imasa kisaek oη go kuai te ilasa dugo dile tag, fidian dumasag patun fo dilasa ya. Agog dubol mutou fo itata wo yau dak ago ilod isou a.

<sup>32</sup> Maria Jesus aben a ate imado se yan ate yaug ile man, ηien fun na yau idug irupeī, “Tubun en, oη ente mado yak man, ηaigneg lug en ta imat na wa.”

<sup>33</sup>Tamolpein dupalu yan Maria dida ditata dugo Jesus yil a. An ningen o ilon itau idug materj ningen o ilon idu geig go ilon tubun mi muruan a.

<sup>34</sup>Ago dugo isumianai, “An Lasarus dugon te aganeg yen dak i?”

Agog durupei, “Tubun en, palup ule.”

<sup>35</sup>Agog Jesus tinan ifunig malan turon idu ya.

<sup>36</sup>Ago dugo tamolpein dubol, “Ale, Jesus tamol an ningen o tubun mi imat a.” <sup>37</sup>Ago gug aenta igo dubol, “Tamol nek en tamol malan itau ak ikubuneg malan fon ipuk a. Gug ata wo inj tamol en san materj an yabituani san ta idaisuda na yak i?”

### **Lasarus fon kumaen imasa ya**

<sup>38</sup>Aria, Jesus fon ilon itau idug mutou fun na yau. Mutou an inj pat gubaran tubun ak ilon lo diganeg, pat sen ak nam awan dibaltuani a.

<sup>39</sup>Jesus ibol, “Pat en apasi.”

Marta, tamol a imat amaiak lun, igo ibol Jesus irupei, “Tubun en, inj imat go nal iwoiwo yau la ya. Ago yak ningen o mumalun iwen saian da.”

<sup>40</sup>Ak man Jesus irupei, “Imug mi nai onj nrupaio la ya, onj ilo lo rumok dop man, onj Anut san dabai girager anda yan ule wa.”

<sup>41</sup>Ago tag pat dupasig Jesus malan lak na yabisag, aban ile dugo ibol, “Bai, onj naisag gudanek ulon la yak ningen o per nupano da. <sup>42</sup>Nai nalon ak, onj nal fidian naisag gudanek ulon da. Gug nai ru en fon nabol pe, tamolpein e ditur den dulon dop, onse nai dinag go nupalu yen ilod lo rumok a.”

<sup>43</sup>Ru ago ibol go awan tubun mi iwagin, “O Lasarus, masap, kuai te lasa!” <sup>44</sup>Ago tag tamol a imat la yan imasag, njen banin naon da yamel nam dubuluwi an ago tinin fo yen dugo, isinig kuai te ilasa ya. Ago dugo Jesus irupidaig ibol, “Yamel agali idu dop yau.”

### **Juda sad gurman adi Jesus palaŋ an dumari a**

*Mat 26:1-5; Mak 14:1-2; Luk 22:1-2*

<sup>45</sup>An ningen o Juda wei mi Maria dile wo dupalu yan, Jesus kulob girager igane yan dileg, an lo Jesus ningen o ilod rumok a. <sup>46</sup>Ago gug aenta man Farisi adi sad na diaug, Jesus kulob igane yan naod na dubol ilasa ya. <sup>47</sup>Ago tag pris gurman adi, Farisi adi dida kaunsil digiaig dutumanig igo dubol, “Id dugo tigane wak i? Tamol an kulob girager wei mi igane da. <sup>48</sup>Id inj tilefuni dop man, inj ago mi igane yaup tamolpein fidian inj ningen o ilod rumok a. Agop Rom adi dupalup, idsad tempel dipitinini wa. Agop id diabituanad dop injsed mi sed ipilianaip Juda sad tamol gurman igo dumado wa.”

<sup>49</sup>Ak man inj lulunad lo anajar en san pris malan te yak ta imado ya, inj yanan Kaiafas amaiak igo ibol, “An ilo girek amam tia geig a! <sup>50</sup>Gidad, tamol kisaek an mi imat dop, tamolpein fidian muruan diŋane san tia ya, an uyanan a. Kabelan id fidian tadeŋ tau banau.”

<sup>51</sup> Gug Kaiafas iñsinanen ilo sou lo mi ago ta ibol na ya. Tia, iñ anañar en san pris malan te ya, an lo iñ profet ru igo woñ Jesus imat pe Juda tamolpein fidian abed iñane wan niñen o ibol a. <sup>52</sup> Gug iñ Juda adi mi wo ta ibol na ya, tia, iñ Anut san tamolpein aben gidigidad dumado dan niñedi wo dam ibol a. Jesus itumanaip Anut san nanun muroun igo kisaek mi dumado wa, fun naok ago yan Kaiafas san ru ilon lo yen da. <sup>53</sup> Aria, nal a ipalu dan lo, Jesus palañ an dumarig dufunip imat o dal abañ dile se ya.

<sup>54</sup> Fun an niñen o Jesus afon malak malak Judea distrik ilon lo ta itor ila iso na ya. Tia, iñ ibisawaig yaug, tan kawan ak girañen na panu nanun ta yañan Efraim dubol dan te iñanen megeloum dida dumado na ya.

<sup>55</sup> Aria, Juda sad nal tubun ak Pasova tumanek dubol dan sumeik a. An niñen o panu sensen an san doup wei mi dupalug Jerusalem na dutumani a. Man dugo, iñsed ikubuniaip Anut malan lo iñ ikok dilasa san niñen o ago digane ya. <sup>56</sup> Iñ Jesus abañan diabig tempel lo dutur dugo, nug dusumiani se ya, “Añ ilom dugo isou da, iñ ipalup, tumanek tubun en ile wak i? Tia, tia yak i?” <sup>57</sup> Ago dugo gurman adi Farisi dida awad kisaek mi dutumanig, tamolpein fidian ru kagin durupidai. Ta iñ Jesus dugon te imado dan ile ilon tap, gidad, kuai te ibol ilasa dop, diaup diabip, diñane dupalu wa.

### Maria Jesus gureñ nam ñien yamisi a

*Mat 26:6-13; Mak 14:3-9*

**12** <sup>1</sup> Nal 6 itout dop, tumanek ta tubun Pasova dubol dan san nal idu wa. Gug nal an gamugo dugo Jesus Betani panu na yau a. An Lasarus tamol a mutou lo ifufunig imasa yak san panu. <sup>2</sup> Iñ panu ante anañ diabig, Jesus dida diani a. Ago dugo Marta man iñ anañ isire idug iwaie ipidinai a. Lasarus man tamol dida dumasig, Jesus dida anañ diani se ya. <sup>3</sup> Ago dugo Maria iñ gureñ uyanan geig, naon lak na geig ak iñaneg, ate Jesus ñien yamisig, iñsinanen gumuran roun nam isasi a. Ago dugo gureñ an san mumalun ab an iñanefute ya.

<sup>4</sup> Megeloum ta, Judas Iskeriot tamol a murnap iñ Jesus ager banid lo igane wan, ago ile tag igo ibol, <sup>5</sup> “Dugo, id gureñ an didaen tamol tupidinaip, naon pat tubun mok ak<sup>d</sup> tiñanep bigabeg adi ka tupidinai a. Ata wo id ago ta tigane na yak i?” <sup>6</sup> Ago man iñ ru a ibol an bigabeg adi niñedi wo ilon ta isou dugo ibol na ya. Tia, iñ gumagam tamol, ago tag iñ Jesus megeloum dida sad moni badam ititiani pidinai dugo, ante moni aenta iñsen niñen o igam na ya.

<sup>7</sup> Man niñen o Jesus ibol, “Amoi dop, gidad, pein en ka alefuni on a, man dugo, iñ ñai disiriag san nal niñen o ago igane da. <sup>8</sup> Bigabeg adi añ dida pempem amado da, gug ñai man tia ya.”

<sup>d</sup> An nek ibol tamol kisaek san urat naon anañar kisaek iñane dak igo woñ a.

<sup>9</sup>Jesus panu ante imado dugo, Juda doup tubun an duloŋ tag, iŋsan na dupalu ya. Gug iŋ Jesus mi dile wo ta dupalu na ya. Tia, Jesus Lasarus mutou lo ifufunig imasa amaiak ida dil o dupalu ya. <sup>10</sup>Ago tag Juda sad pris gurman adi iŋ Lasarus dam dufunip imat san palaŋ an dumari se ya. <sup>11</sup>Ata wo? Lasarus niŋen o, Juda wei kasik pris awad diparsisali dugo dibisawaig, Jesus diganuri wo diau dugo, iŋ niŋen o ilod rumok a.

**Jesus iŋ Kiŋ igo woŋ Jerusalem na iladu ya**

*Mat 21:1-11; Mak 11:1-11; Luk 19:28-40*

<sup>12</sup>Nal tinin te dugo tamolpein doup tubun a dilasag tumanek nal tubun ak dile wo Jerusalem na dutumani an, iŋ Jesus Betani ibiseig Jerusalem na ipalu dan duloŋ. <sup>13</sup>An niŋen o diaug, pator raen dulusunig, dal na dile wo diau. Agog iŋ duyuniŋani dugo igo dubol duwagiŋ,

“Hosana, per mupano da!

Tamol Anut yaŋan lo ipalu den bar iŋane ya!

O Isrel sad Kiŋ, oŋ bar ŋane ya!”

<sup>14</sup>Jesus imug doŋki nanun ta ileg, fufo isudag imadog ipalu ya. An niŋen o ru a profet ta igire yan nuŋon ilasa ya.

<sup>15</sup>“O Saion san tamolpein, aŋ arer man amoi.

Ale, aŋanem Kiŋ gamu aŋsam na ipalu da.

Doŋki foun ak fufo na imasig imado dugo ipalu da.”

<sup>16</sup>Imug mi megeloum adi girek an fun ta duloŋ na ya. Murnag, Jesus lak na yaug yaŋak tubun ak iŋane dugug, ru Anut san buk lo, mel en agod muruan dugo dugo Jesus dupani an niŋen o, dusutig kankan ipidinai a. Saen ru an dusuti an lo, duloŋ uyan ak, ru kulob a fidian gubak mi dile yan niŋen Anut san buk lo yen la ya, ago dugo nuŋon ilasa yan iŋsed malan nam dile ya.

<sup>17</sup>Nal an tamolpein doup wei mi Jesus dida dumado dugo, iŋ Lasarus mutou lo ifufunig fon kumaen imasa yan dile ya. Gamu tamolpein an Jesus kulob igane yan niŋen o ru duwaeg yaug fidian duloŋ a.

<sup>18</sup>Tamolpein Jesus kulob a igane yan san ru duloŋ tag, diaug dal na dile ya. <sup>19</sup>Man niŋen o Farisi adi iŋsed mi diŋiŋeŋ go dubol, “Ale. Idsad palaŋ marek san urat an nuŋon tia ya. Tan tilianek sad tamolpein fidian iŋ diganuri wo diau da!”

**Grik aenta Jesus dile wo dubol a**

<sup>20</sup>Tamolpein Jerusalem na nal tubun an dile wo dupalu dugo, Grik aenta iŋ dida diau a. <sup>21</sup>Grik adi an iŋ Filip san na diau. Filip man Betsaida tamol, Galili distrik lo yan, iŋ dusumiani, “Tubun en, maŋ Jesus mile wo mupalu ya.” <sup>22</sup>Man niŋen o yaug, Andru irupeŋ go iŋ Filip da diaug Jesus durupeŋ a.

<sup>23</sup>Jesus uraru an sad ru naon igo ibol, “Tamol Nanun iŋ yaŋak tubun iŋane san saen sumeik a. <sup>24</sup>Rumok geig ŋai aŋ ŋurupaiaŋ da, anaŋ patun



ab lo ka yen dop, tan na ta idup imat na tap, man iñsen kisaek mi yen a. Ak man, tan na idup imat tap, iñ nuñon wei mi ifu wa. <sup>25</sup>Talpein iñsen tinin mi tan na kumaen imado wo imat dop man, iñanen kumaen mok an ibisei a. Gug tamol ta iñanen kumaen tan en lo yabi idu dop man, murnap iñanen kumaen mok iñanep, pempem mi ago yen yau a. <sup>26</sup>Talpein enti iñ ñaisag urat igane wo ilon yen dop man, ñai ñieg aban iri wa. Ago dop urat aben a ante ñai ñumado dan, ante mi ñaisag urat tamol dam ñai da mumado wa. Agod talpein enti ñaisag urat yabi dan, Bai Anut yañak tubun ak iñ ipani wa.”

### **Jesus iñsan maten ñinen o kuai tem ibol a**

<sup>27</sup>Jesus fon mi igo ibol, “Gamu ñai ilog tubun mi muruan da. Man ñinen o, ñai dugo ñabol ak i? Bai, muruan e gamu ñai lo ilasa wo den oñ ka wabituani wak i? Tia geig a, ñai muruan emaiak ñisini wo ñupalu ya. <sup>28</sup>Bai, gidad oñsa bunu uyan uyan ak kubiai dile!” Jesus ago ibol dugo, Anut awan lak na idug igo ibol, “Ñai yañag ñiganeg tubun la ya. Gug fon ñiganep, tubun geig a.” <sup>29</sup>Tamolpein sumeikan dutur an, ru an duloñ, agog aenta “weil ifu dak” dubol, ago dugo aenta man “eñel ta Jesus irupeï dak” ago dubol a.

<sup>30</sup>Jesus ibol, “Ru e ibol ipalu den ñai ibinawag san tia, añ ibinawañ o ipalu ya. <sup>31</sup>Gamu Anut tan en san tamolpein kot ipidinai dop, iñ tan en san gurman Satan an ikudip kuai te ilasa wa. <sup>32</sup>Gug ñai man, murna gup dibiagsap dusuñanag a. Nal an lo man ñai tamolpein fidian ñiraup, ñaisag na dupalu wa.” <sup>33</sup>Ru amaiak ibol an lo, iñsen dugo wonj imat o dak kuai te ibol ilasa ya.

<sup>34</sup>Ago dugo tamolpein awan diabig dubol, “Mañ kubiaen ilon lo girek igo musuti a, Kristus man iñ pempem imado wa. An lo, ata wo oñ Tamol Nanun diabisap dusuñani wak ubol di? Tamol Nanun emaiak enti mok i?”

<sup>35</sup>Agog Jesus igo irupidai, “Saen katukan mi añ ilalañ da amado wa. Ago yak ñinen o añ ilalañ en lo mi ator a. Kabelan tidom tubun ituanan banau. Tamol tidom lo itor dak man, iñ aben dugon te yau dak iñaon a. <sup>36</sup>Gamu man añ ilalañ am da ya. Ago yak ñinen o, ilalañ en añ da amado dugo, añanem tini ganei iñ lo agane. Agop añ ilalañ san nanun muroun mi alasa wa.” Jesus ru ago irupidaig itout go ibisawaig, malad lo imianuk go yau a.

### **Juda adi Jesus ñinen o ilod lo ta rumok na ya**

<sup>37</sup>Jesus kulob girager an fidian Juda adi naod na igane dugo dile ya, ak gug iñ ñinen o ilod ta rumok na ya. <sup>38</sup>An ñinen o profet Aisaia san ru nuñon ilasa ya. Aisaia iñ gubak mi geig igo ibol,

“Tubun en, ensauta idsad ru ilod lo rumok ak i?

Tubun en, ensauta oñ tuo kubiai pidinai dugo dile yak i?”

<sup>39</sup>Inj Jesus niŋen o ilod rumok o dumoi, an san fun igo ya. Aisaia ru ta igo igire,

<sup>40</sup>“Anut idiraig malad itau an dilasa ya,  
iŋaned ilod dam iŋaneg dabai geig a.  
An lo iŋ maladi nam aban dile san tia ya,  
ago dugo ilodi nam maŋau diŋane san dam tia ya,  
taida mi, iŋ didaŋsa san tia ya,  
tia dop, iŋ ilod ibilisa tap didaŋsa dop ŋai ŋukubuniaia a.”

<sup>41</sup>Aisaia ago ibol an san fun igo ya. Inj Kristus san girager tubun geig ak ile dugo, iŋ niŋen o ibol ilasa na ya.

<sup>42</sup>Ak man gurman aenkadi iŋ o ilod rumok a. Ak gug Farisi niŋedi wo direr go iŋaned ilo rumok dimiani dugo, kuai te ta digane ilasa na ya. Juda adi dukudaip iŋsad ubou ab patun fo dilasa wak niŋen o direr a.

<sup>43</sup>Man dugo, iŋ tamol dipitianai o dumat geig da, gug Anut ipitianai o man dumoi da.

<sup>44</sup>Agog Jesus isasai go awan tubun mi iwagiŋ, “Tamol ta ŋai o ilon rumok dan, ŋai niŋeg o mi ilon ta rumok na da. Tia, Bai a ŋai idinag go ŋupalu yan dam niŋen o ilon rumok da. <sup>45</sup>Nek ago mi, ta ŋai iliag dan, iŋ ŋai mi ta iliag na da. Tia, iŋ Bai a ŋai idinag go ŋupalu yan dam ile da.

<sup>46</sup>Ŋai tan ente sul igo woŋ ŋupalu ya. Man niŋen o tamolpein ensauta ŋai o ilod rumok an, tidom tubun lo ta dumado na wa.

<sup>47</sup>“Ak man, ta ŋaisag ru ilon gug ta iri ipani na man, ŋai tamol an bitinaek lo ta ŋigane na wa. Man dugo, ŋai ago ŋigane wo ta ŋupalu na ya. Tia, ŋai tan en san tamolpein patud ŋupasi wo ŋupalu ya. <sup>48</sup>Ta iŋ ŋai imoi dugo ŋaineg ru ta iŋane na dan, ru e ŋabol den man iŋsan bitinaek tamol oŋ imado wa. Man dugo, ru e ŋabol en, saen wadan lo gup, ru an mi iŋ ibitinae dop yabi idu wa. <sup>49</sup>Man dugo, ŋaisag ilog nam ru ta ŋabol na da. Tia, Bai ŋai idinag go ŋupalu yan iŋsen ru kagin igo ipanag a, ata ru ŋabol ilasa wak, agod dal dugon lo tamolpein naod na niŋiŋen an dam irupaiaŋ go ŋalon a. <sup>50</sup>Ŋai ŋalon ak, talpein enti Bai san ru kagin ilon dop iri dan, kumaen pempem yen san iŋane wa. Amaiaŋ niŋen o, ru dugo dugo ŋabol ilasa dan, ru nek en Bai imug mi ago ŋabol o ru kagin ipanag a.”

### Jesus megeloum ŋiedi ifulani a

**13** <sup>1</sup>Pasova ad nanek tumanek gamugo ilasa dugo, Jesus tan en ibiseip Taman san na yau san saen sumeik an ilon a. Iŋanen tamolpein tan en lo dumado den ilon ipidinai a. An niŋen o gamu iŋsan ilo panek tubun a iŋ niŋedi wo yan ikubiaip dile san ago ilon yen da.

<sup>2</sup>Jesus megeloum dida anan diani wo dumasig dumado ya. Ago dugo Satan imug mi Judas, Saimon Iskeriot nanun amaiak, Jesus iŋsan ager banid lo igane wo ilon ibali a. <sup>3</sup>Aria, Jesus ilon ak, Taman mel fidian iŋ

tuon lo idiri a, agod Anut sen idinig ipalu gug, fon imul Anut san na yau o an dam ilonj a. <sup>4</sup>Ago tag, inj ananj gigin na igane dugo, imasag madid san kulos itabug go, yamel ta injaneg luan ate ipulau a. <sup>5</sup>Agog you daeg lo ikulmaek go fun iganeg megeloum njedi ifulani a. <sup>e</sup> Agog yamel ipulau an ate njedi isasi a.

<sup>6</sup>Aria, inj Saimon Pita san na ipalu dugo, Pita ilon weiwei dugo isumiani, “Tubun en, onj naj njieg fulani wo di?”

<sup>7</sup>Jesus awan yabig ibol, “Injai mel gamu njigane den onj fun ta ulonj na ya, ak gug murna gup onj ulonj fufei wa.”

<sup>8</sup>Gug Pita ibol, “Tia, onj naj njieg fulani san man njamoi geig a.”

Jesus ru naon irupej, “Gidad naj njufulano wa, tia dop, onj naj muroug lulunjad lo mado san tia ya.”

<sup>9</sup>Ago tag Pita irupej, “Tubun en, mago tap, naj njieg mi ta fulani na wa, tia, banig gumurag da sisem fulanai.”

<sup>10</sup>Jesus ru naon irupej, “Tamol enti sen tinin fidian isug la yan man, tinin ikok a. An njinen o njien mi ifulani wa. Anj ilom tinim fidian naj lo ikok alasa la ya. Gug anj lulunjam lo tamol kisaek imado duman ta ikokan na ya.” <sup>11</sup>Jesus tamol enti ager banid lo igane wan ilonj la ya. Fun an njinen o, “anj lulunjam lo tamol kisaek imado duman ta ikokan na yan” ago ibol a.

<sup>12</sup>Aria, Jesus njedi ifulanig itout go, injanen kulos fon iganeg imasig, isumianai, “Kulob a anj lo njigane yan fun alonj i? <sup>13</sup>Anj naj Girek Manjau, agod Tamol Tubun ak abol da. Man anj abol mok da, man dugo, naj tamol naok nek ama ya. <sup>14</sup>Aria, naj nek anjanem Tubun ak, Girek Manjau igo dam njumado bo man, naj anj njiem njufulani a. An njinen o anj dam ansem nugnug lo njiem afulani wa. <sup>15</sup>Injai man anjam mitilaen igo wonj, naj njigane ago mi ansem nugnug lo ago agane wa. <sup>16</sup>Injai rumok njurupaianj da, urat pinein ta injanen tamol tubun ak ta irinani na wa. Nek ago mi tamol enti urat lo yau dan, injan tamol tubun ak a idinig yau an ta irinani na wa. <sup>17</sup>Aria, anj gamu mel an fidian alonj a. Anj kagin naok ago yan ari dop man, Anut san bar anjane wa.

<sup>18</sup>“Ak man, ru an anj fidian mi njemmi wo ta njabol na da. Tia, naj tamol ensauta a njupilianai an njalonj a. Naj ru ago njabol, an lo Anut san ru injanen buk lo yen dan nuon ilasa dop ale wa. Ru an ibol, ‘Tamol ta inj naj da sisem munuai dan, inj naj iparfunag o njien gumin yabisa ya.’ <sup>19</sup>Gamu, saen kulob an gamugo ilasa dugo, naj anj kulob an murnap ilasa wan njurupaianj da. Man ata wo? Saen kubol an ilasa dop, njaiseg, Naj Njumado Dan<sup>f</sup> anj ilom lo rumok a. <sup>20</sup>Injai ru rumok njurupaianj da, naj urat tamol adi njidiraig diau a. Talpein enti a njaisag urat tamol injane dan, naj

<sup>e</sup> Urat bigabeg mi urat naok ago yak digane ya. <sup>f</sup> Jesus ru fanan an lo inj Anut an ipitejanai da.

injiliag da. Ago dugo talpein enti naj injiliag dan, inj Bai enti a naj idinag go nupalu yan dam injane da.”

**Jesus Judas san aupasek kuai te igane ya**  
*Mat 26:20-25; Mak 14:17-21; Luk 22:21-23*

<sup>21</sup> Jesus ru ago ibol itout dugo, ilon tubun kasik muruan idug, ru kuai te igo ibol, “Rumok nunjon mi jurupaian da. Anj lulunam lo ta kisaek man inj naj ager tamol banid lo iginiag njiladu wa.”

<sup>22</sup> Inj ago ibol dugo, injanen megeloum Jesus ru an lo enti isue dan dijaonj geig a, an njinen o sed nug dile yau imul dugo awad itau dumado ya. <sup>23</sup> Megeloum a Jesus njinen o tubun mi imat dan, inj giranjen na ida sisem dumado, ago dugo <sup>24</sup> Saimon Pita naon itad panig igo irupe, “Jesus sumiani dop enti njinen o ibol dan, ibol pe talonj.”

<sup>25</sup> Agog megeloum an tinin Jesus titiren fo isapek go isumiani, “Tubun en, enti njinen o ubol di?”

<sup>26</sup> Jesus ru naon irupe, “Injai bret tuor lo njisominip, njupani dop, anj alonj ak, nek tamol ama ya.” Jesus ago iganeg Judas, Saimon Iskeriot nanun, bret an ipani a. <sup>27</sup> Judas bret an injane dugo, Satan ilon lo iladu kisaek onj a.

Jesus irupeig ibol, “Mel a gane wo ilo ibol dan gane kisaek onj.” <sup>28</sup> Gug megeloum aenta dida ananj diani dan, ru a ibol an san fun mok ta dulonj na ya. <sup>29</sup> Judas man inj moni san badam kagin ipani na yan njinen o, Jesus irupeip soubul tubun an san melmel ta idad o boi, tia, bigabeg adi ibinawai o boi, ago ilod isou a. <sup>30</sup> Aria, Judas ananj an injaneg imasag, ririan kuai fo ilasag yau a. Saen an tidom idu la ya.

### **Kubiaenj foun ak**

<sup>31</sup> Judas yau la gug, Jesus igo ibol, “Gamun en Tamol Nanun inj yanjak tubun ak injane san nal idu ya. An lo dop, Anut dam naj lo yanjak tubun ak injane wa. <sup>32</sup> Aria, Anut naj lo yanjak tubun mi injane dop man, naj injen lo yanjak tubun ak njijane wa. Kulob an inj ago igane saltik onj a. <sup>33</sup> O nanug muroug, naj anj da saen katukan mi tumado wa. Ago gup anj naj abanag abi wak gug ta aliag na wa. Nek ibol naj Juda adi gubak mi njurupidai ak igo wonj, naj gamu anj dam njurupaianj da, aben naj njau dan ante anj au san tia ya.

<sup>34</sup> “Injai gamu kubiaenj foun ak njupananj da. Kubiaenj foun ak igo ya: anj nug njinen o amat mok a. Nek ibol naj anj o njamat dak ago mi anjem nug njinen o amat mok a. <sup>35</sup> Anj anjem nug njijemi wo amat dop man, an lo anj njaisag megeloum mok amado dan tamolpein fidian dulonj a.”

**Jesus Pita inj njinen o itot ak o ibol a**  
*Mat 26:31-35; Mak 14:27-31; Luk 22:31-34*

<sup>36</sup> Saimon Pita Jesus isumiani, “Tubun en, onj dugon te wau wo ubol di?”

Jesus ru naon irupeig ibol, “Gamu aben dugon te naj nau dan, ante on palu san tia ya, gug murna dop man, on ka palu wa.”

<sup>37</sup>Pita fon isumiani, “Tubun en, ata wo naj on da sisem tau san tia ubol di? Gidad, najneg kumaen on nige wo ka jubiseip, jubinawo wa.”

<sup>38</sup>Agotag Jesus igo irupe, “O Pita, onane kumaen naj o bisei wo ubol dan, an rumok i? Naj rumok jurupaio da, on naj ulon an utot saen utol dop, kurek ibob a.”

### Jesus injen mi tamolpein Bai san na diau san dal

**14** <sup>1</sup>“An ilom muruan dop kankan wei mi ta agane na wa. An ananem tini ganei Anut lo agane ago mi naj dam lo ago agane wa. <sup>2-3</sup>Najneg Bai san ab lo man, galun wei mi dien da. Naj naup ananem abem nukubune wa. Agod saen naj ananem abem nukubune itout dop, naj namul npupalup njinlian pe taup naj da sisem tumado wa. An nigen o aben dugon te naj numado dan, an dam ante amado wa. Ak mel an ago tia dop, naj kuai tem ka jurupaian alon a. <sup>4</sup>Aben naj nau dan san dal an alon la ya.”

<sup>5</sup>Agotomas irupe, “Tubun en, on aben dugon te wau den man ta malon na ya. An nigen o dal an dugo man malon ak i? Tia geig a.”

<sup>6</sup>Jesus awan yabig ibol, “Naj mi dal, naj mi ru rumok san fun, agod naj mi kumaen san fun. Dal sen ta lo Bai san na au san tia ya. Nek naj lo mi a. <sup>7</sup>An naj alon dop man, naisag Bai dam alon a. Nek gamu tumado yau den lo, an naj Tamag o anaon dan ago ilom isou man amoi, man dugo, in alon agod ale la ya.”

<sup>8</sup>Filip irupe, “Tubun en, on Bai kubiai panama. An mi man o idaisuda ya.”

<sup>9</sup>Jesus ru naon irupe, “Filip, nal milaen mi naj an da tumado ya. Ak dugo, en dugo won go naj enti mok an ta ulon na i? Ta in naj iliag an in Bai dam ile ya. An lo, enta wo naj Bai nukubiai panan o ubol di? <sup>10</sup>Nag naj Bai lo numado den, ago mi Bai in naj lo imado da, an ilo lo ta rumok na di? Ru e naj jurupaian den naiseg ilog nam ta nabol na da. Tia, Bai in naj lo imado den inanen urat naj lo igane ilasa da. An nigen o in naj lo urat igane dugo, insan ru naj nabol ilasa da. <sup>11</sup>An gidad, naj Bai lo numado dugo, Bai naj lo imado den, an ilom lo rumok a. Tia dop, naj kulob girager a fidian ngane na yan aleg kankan ipanan gup, an mi ananem ilo rumok ka igane ilasa wa. <sup>12</sup>Naj rumok jurupaian da, ta naj o ilon lo rumok dop man, in urat fidian naj ngane yan in dam nek ago mi ka igane wa. Agod kulob naok in iganed an man melmel e naj ngane den irinani wa. Man dugo, naj Bai san na nau da. <sup>13</sup>An mel ta nigen o naj yanag lo agudani tap, naj mel an ngane panan a. An nigen o Nanun urat dugo dugo igane dan lo, tamolpein Bai yan tubun mi diabisa wa. <sup>14</sup>Ata mel anane wo ilom ibol dan, naj yanag lo ka asumiaen a, ago dop naj ngane panan a.”

### Jesus Urgun ipalu san ru an ibol a

<sup>15</sup> “An̄ ɲai niɲeg o amat mok tap, an̄ ɲaineg ru kagin ari apani uyanan a. <sup>16</sup>Agod ɲai Bai ɲugudani dop, in̄ Binawek sen ta ipan̄an pe, an̄ da pempem amado wa. <sup>17</sup>In̄ Awan Urgun, in̄ ru rumok ak san mi a. Tan en san tamolpein in̄ diɲane san tia ya. Man ata wo? In̄ dile san tia ya, ago dugo in̄ niɲen o diɲaon̄. Ak man, an̄ in̄ alon̄ la ya, man dugo, in̄ gamu an̄ da amado dak, murnap an̄ bubem ilon lo ilasap ante pempem imado wa. <sup>18</sup>ɲai an̄ ɲubisawan̄ pe, tinam tamam tia yak igo won̄ ta amado na wa. Tia ya, ɲai an̄sam na ɲupalup tumado wa. <sup>19</sup>Saen kitekan mip, tan en san tamolpein fon ɲai ta diliag na wa. Gug an̄ ɲai aliag a. ɲai kumaen ɲumado dak niɲen o, an̄ dam kumaen amado wa. <sup>20</sup>Nal an lo gup, ɲai Bai lo ɲumado dan, an̄ ɲai lo amado dan, ɲai an̄ lo ɲumado dan alon̄ uyanan a. <sup>21</sup>Talpein enti a ɲai awag ilon̄ dugo iri dan, nek amaiak mi ɲai o imat mok da. Ta in̄ ɲai o imat dan man, Bai dam in̄ o imat da. Ago dop ɲai dam in̄ o ɲamat dop, ɲai seg ɲukubiaip ile wa.”

<sup>22</sup>Agog Judas en turanein, Iskeriot tia yan, in̄ Jesus irupeɪ, “Tubun en, on̄ ata wo man lo mi kuai te lasa dop, tan en san tamolpein lo tia wo ubol di?”

<sup>23</sup>Jesus ru naon irupeɪ, “Talpein a ɲai niɲeg o imat dan, ɲaisag piteɲanek fidian iri dop paed na imado wa. Ago dop Bai in̄ o imat pe, ɲai Bai da sisem in̄ giran̄en na mupalup, in̄ da nal fidian mi mumado wa. <sup>24</sup>Gug ta ɲai o ta imat na dop, in̄ ɲaisag ru dam iri dop paen na ta imado na wa. Ru e an̄ kududom alon̄ den man ɲaisag tia ya. Tia, Bai in̄ ɲai idinag go ɲupalu yan in̄san ru ɲabol da.

<sup>25</sup>“Gamu ɲai an̄ da tumado dan lo, ru an fidian ɲabol ilasa dugo alon̄ da. <sup>26</sup>Gug Urgun, in̄ an̄sam binawek mok a, Bai in̄ ɲai yan̄ag lo idinip ipalu wa. In̄ mel fidian niɲedi wo man̄au ipiteɲan̄an a, ago dop iginian pe ru fidian imug ɲabol go alon̄ na yan ilom isou a. <sup>27</sup>ɲai an̄ ɲubusawan̄ o dak niɲen o, ɲaisag ilo maror ɲupanan̄ pe ida amado wa. Ilo maror a ɲupanan̄ dan man, tan en san tamolpein ka dupanan̄ ak igo tia ya, tan en san ilo maror man ririan itout yau a, gug ɲaisag man yen yau san mi a. Man niɲen o, an̄ ta ilom weiwei dop arer na wa.

<sup>28</sup>“ɲai ru ɲabol en alon̄ la ya: ‘gamu ɲubusawan̄ pe ɲau gup, an̄sam na fon ɲamul ɲupalu wa.’ An̄ ɲai o amat ak man, ɲai Bai san na ɲau dak niɲen o uyam isusa wa. Man dugo, Bai san yan̄an ɲaisag yan̄ag irin̄ani a. <sup>29</sup>Alon̄ ak, ɲai Bai san na ɲau san saen gamugo dugo, an̄ ɲurupaian̄ la ya. ɲai ago ɲigane yan san fun igo: murnap mel an ilasa dop, an̄ ɲai o ilom rumok a. <sup>30</sup>ɲai ru taida milaen mi ɲurupaian̄ san tia ya, man dugo, tan en san gurman Satan ipalu wo iton̄ da. In̄ ɲai ibiag ɲadu san man dabai aman tia geig a. <sup>31</sup>ɲai ilog man igo ya. ɲai tan en san tamolpein fidian ɲukubiaip dile dop dulon̄ uyanan ak igo, ɲai Bai o ɲamat a, ago dugo ata ru Bai irupaiaɲ an mi ɲiri uyanan da.

Aria, amasap tau.”

### Jesus in ai wain mok

**15** <sup>1</sup>Jesus irupudaig ibol, “Ŋai man ai wain mok. Ŋaineg Bai man abi wain san muroun. <sup>2</sup>Ŋai raeg aenta nuṇod tia tap, abi muroun itartitip yabi yau a. Raen nuṇon anda yan ikubunep, didilan itute yau dop, iluṇanip, ate nuṇon wei mi ifu dop yen a. <sup>3</sup>Ago gug ru ṇai ṇurupaianṇ la yan lo aṇ ipargalanṇ go aṇ ikok alasa ya. <sup>4</sup>Ŋai lo amado wa. Ŋai dam aṇ lo ṇumado wa. Ai raen a luan te ta isatuani na yak man, nuṇon ifu san tia ya. Nek ago mi, aṇ dam ṇai lo amado wa, tia dop man, nuṇom ifu san tia geig a.

<sup>5</sup>“Ŋai man ai wain. Aṇ man ai wain raen. Ta ṇai lo imado tap, ṇai inṇ lo ṇumado dop, ate nuṇon ifu fufei wa. Aṇ ṇai lo tia yak man, aṇsem mel ta agane ilasa san dam tia geig a. <sup>6</sup>Talpein ta inṇ ṇai lo ta imado na dan, inṇ ai raenibun ak igo ya. Ai raen ago man ditartitip, yai lo diabi yaup inani fufari yau a. <sup>7</sup>Gug aṇ ṇai lo amado dop, ṇaisag ru aṇ lo yen dop man, aṇanem ilom ibol ak ago mi mel niṇen o asumianag dop, ṇai ṇupanaṇ a. <sup>8</sup>Aria, aṇ nuṇom wei mi afu yak man, aṇsem ibilaṇ kuai tem alasag ṇaisag megeloum mok amado da, nek an lo Bai yaṇan tubun geig ilasa wa.

<sup>9</sup>“Bai inṇ ṇai ilon ipanag dak, ago mi ṇai aṇ ilog ṇupanaṇ da. Aṇ ṇaisag ilo panek lo mi amado wo ilog yen da. <sup>10</sup>Ŋai Bai san ru kagin ṇuri ṇupani ak niṇen o, inṇsan ilo panek lo ṇumado da. Nek ago mi aṇ ṇaisag ru kagin an ari apani dop man, aṇ ṇaisag ilo panek lo mi amado wa. <sup>11</sup>Ru ago ṇurupaianṇ dan aṇ alonṇ dop, ṇaisag uyasusai aṇ ilom lo yen o ṇabol da. Agop aṇsam uyasusai an ilom lo anuap ida amado wa. <sup>12</sup>Ŋaisag ru kubiaenṇ man igo ya, ṇai ilog ṇupanaṇ ak ago mi aṇ nug ilon apani wa. <sup>13</sup>Talpein enti a inṇ turan niṇen o inṇsan kumaen imoi ibiseig imat tap, inṇ kagin fidian nug niṇen o tamat san irinani a. Kagin an ilo panek san nuṇon mok a. <sup>14</sup>Aria, aṇ ṇai ru kagin ṇurupaianṇ an ari apani dop man, aṇ ṇaisag turag muroug mok a. <sup>15</sup>Urat pinein man inṇ inanen tamol tubun ak mel igane dan man inṇ ta ilonṇ na da. Ago yak niṇen o ṇai fon aṇ urat pinein igo ṇabol san tia ya. Man ata wo? Ŋai ru fidian Bai awan lo ṇalonṇ en aṇ ṇabol alonṇ pasik la ya, an lo aṇ ṇai fug fidian alonṇ a. Ago yak niṇen o aṇ ṇai turag muroug ṇabol da. <sup>16</sup>Aṇ imug ṇai ta apilianag na ya. Man tia. Ŋai aṇ ṇipiliananṇ go ṇaisag ak ṇabol la ya. Ago yan lo aup urat nuṇon agane ilasa san ago kob ṇupanaṇ a. Ago dop aṇanem urat an nuṇon yen yau a. An lo mel ta wo ṇai yaṇag lo Bai asumiani dop man, inṇ ka ipanaṇ a. <sup>17</sup>Ŋaisag kubiaenṇ ṇurupaianṇ duman nek en, aṇ nug niṇen o amat mok a.

### Tan san tamolpein Jesus san megeloum lo ager dumado da

<sup>18</sup>“Tan san tamolpein aṇ o ager dumado dop man, ṇai o ilom isou. Ŋai niṇeg o imug mi ago digane ya. <sup>19</sup>Aṇ tan en san tamolpein sad muroudi

dop man, aŋ niŋemi wo dumat pe, aŋ iŋsadi ak dubol a. Ak man aŋ tan en san tamolpein mok tia ya, tia, ŋai aŋ ŋipiliananŋ go aŋ ŋaisag a. Fun amaiak niŋen o tan en san tamolpein aŋ lo siai digane wa. <sup>20</sup>Aŋ gidad ŋaisag ru imug ŋurupaianŋ en ilom isou, urat pinein ta iŋanen tamol tubun ak ta iriŋani na wa. Iŋ ŋai diginiag saian tap, nek ago mi aŋ lo dam ago digane wa. Ak dugo, iŋ ŋaisag pitejanek diri ak i? Tia geig a. Nek ago mi, pitejanek a aŋ apidinai an dam ta diri na wa. <sup>21</sup>Ŋai niŋeg o aŋ diliŋ saian pe kagin naok ago yak aŋ lo digane wa. Man ata wo? Bai ŋai idinag go ŋupalu yan, iŋ ta dulonŋ na ya. <sup>22</sup>Ŋai ŋupalug, ŋurupidaig, iŋsad aupasek kuai ŋupani dugo dile ya. Ŋai ta ŋupalu na yak man, iŋ aupasek amad da yan dulonŋ san tia ya. Gug ŋai ŋupalug, iŋaned saian kuai te ŋurupidaig dulonŋ ak niŋen o, gamu sad aupasek an dimiani san tia geig a. <sup>23</sup>Ta iŋ ŋai lo siai igane dan man, iŋ Bai lo dam siai igane da. <sup>24</sup>Iŋ lulunad lo ŋai kulob girager tubun geig ak ŋigane na ya. Tamol sen ta gubak mi ilasag kulob naok ago yan ta igane man tia ya. Ŋai ago ta ŋigane na yak man, Anut malan lo iŋ aupasek amad tia wa. Ak gug, gamu iŋ kulob girager an fidian dile la gug, ŋai lo, agod ŋai Tamag lo dam, siai digane dugo sama ager dumado da. <sup>25</sup>Iŋsad kagin, ru ta iŋsad kubiaenŋ lo digireg yen an iŋaneg nuŋon ilasa ya. Ru an igo ya, 'Iŋ sen kawan mok ŋai lo siai digane ya.'

<sup>26</sup>"Gug ŋai Binawek Tamol ŋiganep idu wa. Iŋ Awan Urgan, ago dugo iŋ dam ru rumok ak san fun. Iŋ Bai san na ilasap, aŋsam na ipalu wa. Agop iŋ ŋai fug kuai te ibol dop alonŋ a. <sup>27</sup>Gug aŋ dam ŋai fug tamolpein naod na afulalep dulonŋ a. Man dugo, saen ŋai urat fun ŋiganeg ipalug gamu en, aŋ ŋai da sisem tumado na ya.

**16** <sup>1</sup>"Muruan ipalu dop, aŋanem ilo rumok an abisei banau o ru en ŋurupaianŋ da. <sup>2</sup>Murnap Juda adi sad midaenŋ lo au dop, aŋ dukudanŋ a. Rumok, nal idu dop, aŋ dufunanŋ amat a, nek dal an lo iŋ Anut san urat dibinawi mok dak ago dubol a. <sup>3</sup>Gug iŋ man ŋai Bai da ta dulonŋ na yak niŋen o ago digane wa. <sup>4</sup>Ŋai ager niŋedi wo ru kagin en ŋurupaianŋ alonŋ a, an niŋen o murnap aŋ lo dugo digane dop, ru en ilom isou wa. Inug man ŋai ru en ta ŋabol go alonŋ na ya, man dugo, ŋai aŋ da tumado na ya.

### Urgan san urat

<sup>5</sup>"Ak man gamu gup ŋai ŋubisawaŋ pe, Bai idinag go ŋupalu yan san na ŋamul ŋau a. Gug aŋsam ta kisaek ŋai dugo te ŋau o dan niŋen o ta isumianag na da. <sup>6</sup>Gug gamu 'ŋai ŋubisawaŋ pe ŋau o' ŋurupaianŋ den niŋen o aŋ ilom isasau idu da. <sup>7</sup>Ŋai rumok ŋurupaianŋ da, ŋai aŋ ŋubisawaŋ pe ŋau o dan, aŋ o uyanan a. Ŋai gidad ŋau a. Ta ŋau na tap, aŋ Ur Binawek San an ta aŋane na wa. Ak man ŋai ŋau dop man, Ur Binawek San an ŋiganep, aŋsam na ipalup, ida amado wa. <sup>8</sup>Urgan ipalu



dop, tamolpein ilod isafulalep, kagin saiak san fun, agod kagin itaot ak san fun dam dumunani fufei wa. Agod murnap Anut naon na ditur pe bitinaek lo idirai an san fun dam inşed ilod lo dukubiani wa. <sup>9</sup>Inşaned kagin saiak san fun man inş  ai lo ilod ta rumok na ya. <sup>10</sup> ai Bai san na  au dop, afon  ai ta aliag na wa. An lo tan en san tamolpein dulonş ak  ai Bai san geig a. Dal an lo Urgun inş  aisag kagin itaot an fidian ikubiai pidinaip, dulonş uyanan a. <sup>11</sup>Tan en san tamolpein sad ilo sou lo dubol, Anut  ai bitinaek lo iginiag pe ifunag  amat ak ago dubol da. Ak man an ta rumok na yan Urgun ikubiai dile wa. Anut  ai bitinaek lo ta iginiag na wa, tia,  aisag materş lo, Anut tan en san gurman Satan bitinaek lo iganeg yabi idu geig a. An Anut san bitinaek san fun.

<sup>12</sup>“ ai ru wei mi amag da ya, ak man anş ilom itau dak ninen o, gamu  urupaianş pe alonş san tia ya. <sup>13</sup>Gug murnap Urgun ru rumok ak san ipalu dop man, kagin rumok ak mi fidian ikubiai pananş a. Inş sen ilon nam ru ta ibol na wa. Tia, Anut ibol go ilonş an mi irupaianş pe alonş a. Mel murnap ilasa san dam ibol ilasa dop alonş a. <sup>14</sup>Inş  ai yanşag yabisa wa, man dugo, inş  aisag mel inşane dan anşam na ibol ilasa dop alonş a. <sup>15</sup>Bai san mel fidian an dam  aisag a. Man ninen o  ai imug  urupaianş, Urgun mi  aisag mel an inşanep ibol dop alonş a.”

### **Muruan ibilisap, ilo uyan ilasa wa**

<sup>16</sup>“Saen katukan anş  ai ta aliag na wa. Agop fon saen katukan mi gup,  ai aliag da wa.” <sup>17</sup>Inşan megeloum aenta inşed mi di inenş go igo dubol, “Ru e ‘saen katukan anş  ai ta aliag na wa, agop fon saen katukan mi gup,  ai aliag da wan’ fun dugo yak i?” <sup>18</sup>Inşed nug dusumiani onş go igo dubol, “ ‘saen katukan’, ru en fun talonş uyan san tia ya.”

<sup>19</sup>Jesus ilonş ak, inş ru an ninen o dusumiani wo ilod ibol dan, ninen o irupudaig ibol, “Anş nag  ai ru a  abol an ninen o ilom weiwei di? <sup>20</sup>Rumok geig, anş  urupaianş da, mitep anş tinanş aru agane wa. Gup tamolpein tan en san man inş uya susai digane wa. Rumok, anş ilo muruan tubun kasik da amado da, ak man anşam ilo muruan an ibilisap ilo uyan ipananş dop, uyam isusa wa. <sup>21</sup>Pein inş nanuk igansi wo tinin lo ikubiani dop, inş ilon muruan tubun kasik aman da imado da. Agop nanuk igansip uyan dop, inşan madai an ninen o ilon ta isou na wa. Man dugo, nanuk tan en lo ilasa yak ninen o ilon isou dop, uyan isusa geig a. <sup>22</sup>Nek ago mi, gamu anş ilom muruan da. Gug  ai fon  amul  upalup aliag dop, afon ilom uyan da wa. Ta anşam uyasusai an ipasip isini yau san tia ya. <sup>23</sup>Nal an lo dop, anş fon  ai mel ta wo asumianag san man tia wa.  ai rumok  urupaianş da, anş mel ta ninen o  ai yanşag lo Bai asumiani dop, man inş ka ipananş a. <sup>24</sup>Gug anş gubak mi ipalug gamu en dam anş mel ta wo  ai yanşag lo Bai asumiani man tia ya. Gamu gup anş  ai yanşag lo asumiani wa. Ago agane dop man, inş mel an ka ipananş a. An lo anş ilom uyanan pe, uyasusai lo mi amado wa.”

### Jesus tan en san dabai yabi idu ya

<sup>25</sup>“Ŋai ru faɲan mi ɲabol dugo alon na ya. Gug murna dop man, fon ta ɲimianip ɲurupaian na wa. Tia, ɲai Bai ɲinen o kuai te ɲabol dop alon a. <sup>26</sup>Ago dop nal an lo, ɲai yaɲag lo Bai asumiani wa. Aɲanem awam aban an aɲ ɲinemi wo Bai ɲusumiani wa, ago ɲai ta ɲurupaian na da. <sup>27</sup>Tia, Bai inɲen aɲ ɲinemi wo imat da. Amaiak ɲinen o inɲen aɲ awam ilon a. Man dugo, aɲ ɲai o amat go Bai san na ɲumadog ɲupalu yan, ilom lo rumok a. <sup>28</sup>Gubak mi ɲai Bai da sisem mumado ya. Gug ɲai in ɲubuseig, tan na ɲadu ya. Gamu fon tan en ɲubuseip, Bai san na ɲamul ɲusuda ɲau a.”

<sup>29</sup>Agog inɲanen megeloum igo dubol, “Gamu en on ru faɲan ta ubol na da, tia, kuai te mi ubol ilasa da. <sup>30</sup>Gamu en maɲ malon fufei ak, on mel fidian ulon pasik a. An ɲinen o ta in on isumiano wo mala igane san tia ya. An lo on Anut san nag palu yan maɲ iloma lo rumok a.”

<sup>31</sup>Jesus awad yabig ibol, “Gamu en aɲ ilom rumok geig ak abol di? <sup>32</sup>Alon ak, nal ta sumeik la ya, nal an lo aɲ fidian abisawag pe, aɲsiganem na afufurak au dop ɲaiseg kisaek ɲumado wa. Gug ɲaiseg kisaek tia ya, tia, Bai in ɲai da mumado da. <sup>33</sup>Aɲ ɲai lo amado dop, ɲaisag ilo maror aɲ da amado san ɲinen o ru an ɲurupaian a. Tan en san tamolpein aɲ muruan dupanaɲ ak gug, aɲ ta arut arer na wa. Tia, aɲ ilom abisa, man dugo, ɲai yu ɲigane itout go, an lo tan en san tamolpein fidian sad dabai ɲabi idu la ya.”

### Jesus inɲen ɲinen o Bai igudani a

**17** <sup>1</sup>Jesus ru an ibol itout dugo malan lak na isidag, ibol, “Bai, ɲaisag nal idu la ya. On nanu yaɲak tubun ak panip, inɲanen bunun kuai te gane ilasa wa, an lo Nanu dam on yaɲak tubun ak ipanop, onane bunu kuai te igane ilasa wa. <sup>2</sup>Man dugo, ɲai dabai panag la yen ate tamolpein fidian ɲai tuog paen na dumado wa. Tamolpein a on ɲai panag an, in kumaen pempem yen yau san ɲupidinai a. <sup>3</sup>Kumaen pempem yen yau san man nek en. In on Anut kisaek o lian dulon a, agod in ɲai Jesus Kristus on dinag go ɲupalu yan dam dulon a. <sup>4</sup>Ŋai urat fidian on panag go ɲigane wo ubol en ɲigane itout a. An lo on yaɲa tan en lo ɲabisa ya. <sup>5</sup>O Bai, wagam on tan ta gane na dugo, on ɲai da girager ilalaɲ aman an lo tumado ya. Ŋai onsa na ɲamul ɲupalu gup, girager an fon panag da wa.

### Jesus megeloum ɲinedi wo igudani

<sup>6</sup>“Ŋai onsa fu mok, tamolpein a tan en lo sikatai go ɲai panag en ɲukubiaig dile ya. In onsa la ya, an ɲinen o ɲai panag a. Agog onsa ru an dam kagin dupani da. <sup>7</sup>Gamu in dulon uyanan ak, mel fidian on ɲai

panag an onsa na ipalu ya. <sup>8</sup>Ru fidian nai panag an in nupidinaig, dinane ya. An lo in dulon fufei mok, nai onsa nag nupalu ya, ago dugo on nai dinag go nupalu yan dam ilod lo rumok a. <sup>9</sup>Tamolpein nek an ninedi wo gadin nigan da. Tan en san tamolpein fidian ninedi wo ta nusumiano na da. Tia, tamolpein ensauta a on nai panag an mi ninedi wo numosiai da. Man dugo, in onane mok a. <sup>10</sup>Tamolpein a fidian naisag man onsa ya, agod onsa man naisag a. In lo nai yanak tubun ak ninane ya. <sup>11</sup>Nai tan en nibiseip, onsa na nupalu wo da. Gug in ete tan na dumado wa. O Bai, on gun ak, onane yana dabai, nek nai panag en, an lo idaned tamolpein kaginad gane dop, in kisaek mi dumado wa, nek nai on da tumado dak ago mi a. <sup>12</sup>Saen nai dida mumado se man, onsa dabai panag an lo mi kaginad nigan na ya. Dumui igo won nai in nibalgiranai na yan lo, ta kisaek ideg yau man tia ya. Gug tamol a pitinnek san in mi ideg yau a. In ru ta onane buk lo yen dan nunon ilasa wo ideg yau a.

<sup>13</sup>“Gamui nai onsa na nupalu wo da. Nai tan na numado dugo, ru en fidian nabol dulon dop, naisag uyasusai in ilod anuai a. <sup>14</sup>Nai onane ru nupidinaig dinane ya. Ago dugo tan en san tamolpein in lo siai digane da. Man dugo, in tan en san tia ya, nek ibol nai dam tan en san tia ago mi a. <sup>15</sup>Nai in tan en lo pasai diau o ta nusumiano na da. Tia, ago dumado wa. Gug nai igo nugudano da, saen in ente dumado dop on bargiranai a. An lo Satan ipalu dop man, daon ipidinai san tia wa. <sup>16</sup>Nai tan en san tia ya, nek ago mi, in dam tan en san tia ya. <sup>17</sup>Onsa ru mi ru rumok. Onsa ru lo diraip gun dilasa. <sup>18</sup>Nek ibol on nai dinag go tan en lo nilasa yan ago mi, nai dam in nidirai tan en san tamolpein lulunad lo diau a. <sup>19</sup>Nai in nibinawai o seg tinig nipiranig, an lo gun numado dop onane ilobol mi niri wa. Agop in dam gun dilasap, sed tinid dipirani dop onane ilobol diri mok a.

### **Jesus ilo rumok adi aenta ninedi wo igudani a**

<sup>20</sup>“Nai megeloum en ninedi wo mi ta nugudano na da. Tia, mitep nidinaip, naisag ru dufulalep tamolpein aenta dulon pe, ilod lo nai o rumok a. Tamolpein an ninedi wo dam nugudano da. <sup>21</sup>Nai ilog man, in fidian ilod kisaek mi dumado wa. On nai lo mado dak, agod nai dam on lo numado da, nek ago mi in dam id da sisem tumado wo nugudano da. Ago tap, tamolpein tan en san on nai dinag go nupalu yan ilod lo rumok a. <sup>22</sup>Onsa yana dabai da nai panag an in nupidinai la ya. Agop in ilod kisaek dumado wak, nek ibol on nai da tumado dak ago mi in dam dumado wa. <sup>23</sup>Nai in lo numado dop, on nai lo mado wa. An lo nek ibol id ilod kisaek mi ak igo won, in dam ilod kisaek mok o namat da. Agop tamolpein tan en san on nai dinag go nupalu yan dulon a. Ago dop on naisag tamolpein ninedi wo umat dan, nai o umat dak ago mi gane yan, an dam tan en san tamolpein dulon a.

24 “O Bai, ηai ilog man igo ya, aben a ante ηai ηumado wan, ante dam tamolpein a on murnap panag an ηai dida mumado wa. Ago dop ante in ηaineg girager dam dile wo ηusumiano da. Tan en tia lo on ηai o umat go girager en panag a. Girager an in fidian dile wo ilog tubun mi ibol da.

25 “O Bai, on itaota mok, gidad tan en san tamolpein on dulong man tia ya, ago gug ηai on ηalong a. Ago dugo ηaisag adi on ηai dinag go ηupalu yan dulong a. 26 ηai onane fu kuai te in lo ηigane ilasa la yan, nek ago mi ηigane yau on a. An lo dop onsa ilo panek ηai panag an in bured lo dirip yen a, agod ηai dam in lo ηumado wa.”

#### Ager adi Jesus diabi a

*Mat 26:47-56; Mak 14:43-50; Luk 22:47-53*

**18** <sup>1</sup>Jesus igudani itout go megeloum dida diaug, dog Kidron dututeg, aen ate abi oliv lo sasau ate dilasa ya.

<sup>2</sup>Aria, Judas, palan niganag tamol an, in sasau ante dumado se yan ilon a. Man dugo, Jesus inanen megeloum dida pempem sasau an ate dutumani da. <sup>3</sup>Judas imug mi pris gurman adi agod Farisi adi sad na yang, tempel titianek aenkadi agod yu tamol adi dam inal o yau a. Agog in malan imug dugo fidian njen aban dirig yu, dumui, agod sul ago duburoug dida diau a. Agog aben a ate Jesus inanen megeloum dida dumado dan te dilasa ya.

<sup>4</sup>Jesus mel fidian in lo ilasa wo dan ilon an lo, naod na isuk sinjired na ilag irupudai, “An enti abajan abi di?”

<sup>5</sup>In dubol, “Man Jesus, Nasaret tamol amaiak abajan mabi da.” Agog Jesus ibol, “ηai nek ebe.”

Judas in ager adi Jesus ikubiai pidinai an dida ditur a. <sup>6</sup>Saen Jesus “ηai nek ebe” ago ibol an, in dusuk dumul go tan na diau dudu ya.

<sup>7</sup>Agog Jesus fon isumianai, “An enti abajan abi dak i?”

In ru naon durupe, “Jesus, Nasaret tamol ama ya.”

<sup>8</sup>Agog Jesus irupudai, “ηai ηurupaian la ya, ηai nek ebo. ηai abanag abi wo tap, ηaineg megeloum en abisawaip diau.” <sup>9</sup>Ru gubak mi ago ibol, “Tamolpein a on ηai panag an lulunad lo talpein kisaek ideg yau man tia ya.” Aria, gamu ru an nunon kuai te ilasa ya.

<sup>10</sup>Agog Saimon Pita aban ago ileg, tinjaen saian go sabiri igursig, pris malan te yan san urat pinein ifunig, kududon won ak isubari idu ya. Pinein an yanan Malkus. <sup>11</sup>Gug Jesus ru dabai nam Pita irupe, “Onane sabiri aben lo usoudu. Ak dugo, ηai gab lo ηaluk o Bai ipanag en lo ηaluk san tia ubol di?”

#### Jesus diabig pris malan te yanan Anas an san na diau a

<sup>12</sup>Agog yu tamol adi, insad gurman, tempel san titianek dida Jesus diabig, rasau nam dusubanig, <sup>13</sup>dida Anas san na diau a. Anas man

Kaiafas niterj. Kaiafas in anajar en san pris malan te yak imado ya. <sup>14</sup>Kaiafas in sen in Juda adi ago ibol irupudai la ya, “Gidad, tamol kisaek an mi imat dop, an lo tamolpein fidian muruan dijanen san tia ya, ago man uyanan a.”

**Pita in Jesus ta ilon na ibol a**

*Mat 26:69-70; Mak 14:66-68; Luk 22:55-57*

<sup>15</sup>Jesus dijaneg diau dugo Saimon Pita in Jesus san megeloum taida Jesus patun fo diau a. Pris malan te yan megeloum an nug dulon ak ninen o megeloum an Jesus ida sisem ar ilon lo diladu ya. <sup>16</sup>Gug Pita in kitek asau mi ar awan te itur dugo malan igane se ya. Ago dugo megeloum a pris gurman ilon uyan an imul go ar awan te yaug, ar awan titianek pein an irupeip Saimon Pita inane iladu wo ago isumiani a. Ago tag pein an yaug Pita idinig, ar ilon lo iladu ya. <sup>17</sup>Ago gug pein an Pita irupei, “On man dag tamol emaiak san megeloum ta i?”

Ago dugo Pita ibol, “Inai man tia ya.”

<sup>18</sup>Aban madid tubun tinan ak ninen o pris malan te yak san urat pinein adi in tempel titianek adi dida, yai dutuni ak san midiger an tinid isue dugo, Pita dam yai an fun na tinin isue dugo dida dumado se ya.

**Pris malan te yan Jesus isumiani a**

*Mat 26:59-66; Mak 14:55-64; Luk 22:66-71*

<sup>19</sup>Ago dugo pris malan te yan Jesus san megeloum nijedi wo isumiani dugo, ru pitejanek tamolpein ipidinai na yan dam ninen o isumiani se ya. <sup>20</sup>Agog Jesus ru naon igo ibol, “Inai ru fidian tamolpein kuai te mi jurupidaig dulon na ya. Nal wei mi Juda sad tumanek aben lo, tempel lo dam, ante manau nupitejanai se ya. Ru ta mianuk lo nabol man tia ya. <sup>21</sup>Fun an ninen o ata wo inai sumianag dak i? Tamolpein ensauta a inai awag dulon an sumianai gup, inai awag aban dubol dugup ulon a.”

<sup>22</sup>Jesus ago ibol dugo, tempel titianek ta giranen na itur an Jesus kudanan igufuteg ipei, “Dugo, on pris gurman malan te yan ru naon ago rupei an uyan ak i?” <sup>23</sup>Jesus awan yabig ibol, “Dugo, inai ru saian nabol ak i? Ago tap, tamolpein en fidian rupidaip dulon. Gug inai ru rumok ak mi jurupeip ak man, ata wo on inai funag ak i?” <sup>24</sup>Agog Jesus banin dusubanig, dijaneg pris malan te yak neinta, Kaiafas dubol dan san na diau a.

**Pita fon Jesus ta ilon na yak ago ibol a**

*Mat 26:71-75; Mak 14:69-72; Luk 22:58-62*

<sup>25</sup>Saimon Pita yai tinin issued itur dugo, talpein ta dusumiani, “On dam tamol emaiak san megeloum ta boi i?” Pita itot go igo ibol, “Inai man tia ya.” <sup>26</sup>Pris malan te yak san urat pinein ta inanen turan Pita kududon

isubari an imasag, Pita irupeï, “Dugo, oŋ nek emaiak iŋ da ai oliv abi lo amado dugo ŋilian ak i?” <sup>27</sup>Agog Pita fon itot an, kurek ibob kisaek oŋ.

**Jesus diŋaneg, Pailat san na diau a**  
*Mat 27:1-2,11-14; Mak 15:1-5; Luk 23:1-5*

<sup>28</sup>Tidom lom mikinik anda Jesus diŋaneg Kaiafas san ab dubuseig, dida gabman gurman malan te yak, yaŋan Pailat dubol dan, iŋsan gabman san ab lo diau a. Pailat man iŋ Juda tia, iŋ Rom tamol. An niŋen o Juda adi ago dubol, “Kabelan iŋsan ab lo tisidap mel ta tabi dop, Anut malan lo sed nun ipanad pe, an lo idsad tumanek Pasova en lo anaŋ tani san tia banau.” <sup>29</sup>Ago tag iŋ ab patun fo dutur dugo, Pailat kuai fo ilasag, isumianai, “Aŋ ata wo tamol an ru lo agane di?”

<sup>30</sup>Agog iŋ ru naon igo dubol, “Tamol en kulob saian ak ta, ta igane na yak man, maŋ oŋsa na miŋane mupalu san tia ya.”

<sup>31</sup>Agog Pailat irupudaig ibol, “Aŋ aŋane aup, aŋsiganem kubiaen lo asumianip ale.”

Gug Juda adi iŋ durupeï, “Aŋsam kubiaen lo man, maŋ tamol mafu dumat san niŋen o geg apanama da.” <sup>32</sup>Mel e ilasa yen, wagam Jesus iŋsen dal dugo woŋ lo imat ak niŋen o ibol an, gamu nuŋon kuai te ilasa ya.

<sup>33</sup>Aria, Pailat fon iŋsan ab lo iladug, Jesus iwagig isumiani, “Ak dugo, oŋ Juda sad kiŋ ak i?”

<sup>34</sup>Agog Jesus ru naon irupeig ibol, “An dag oŋsigane ilo sou lo ubol di? Tia, tamol ta ibol ulon go ate ubol di?”

<sup>35</sup>Pailat awan yabig ibol, “Oŋ ŋai Juda ubol di? Oŋsigane warou adi iŋ pris gurman adi dida dibiog, ŋai banig lo diginio ya. Oŋ muruan naon dugo gane yak i?”

<sup>36</sup>Jesus ru naon irupeï, “Rumok, ŋai kiŋ ŋumado da, ago gug ŋai tan en san tia ya. ŋai tan en san kiŋ dop man, gamu ŋaisag turag muroug dumasap, ager diganep, Juda adi ŋai dibiag san tia wa.”

<sup>37</sup>Ago tag Pailat irupeï, “Dugo, oŋse oŋ kiŋ ta ago ubol di?”

Jesus ru naon irupeï, “Oŋse nek a ubol da. ŋai kiŋ ta, ŋai tan en lo ru rumok ak ŋabol ilasa wo ŋupalu ya. An lo ta iŋ ru rumok san man, iŋ ŋaisag ru ilon dop ru an iganuri wa.”

**Pailat Jesus aigim fo dubali wo ibol a**  
*Mat 27:15-31; Mak 15:6-20; Luk 23:13-25*

<sup>38</sup>Pailat awan yabig isumiani, “Ru rumok en ata mel ak i?” Agog fon ab patun fo ilasag, Juda adi naod na itur dugo irupidai, “ŋai iŋ lo saian ta ŋile man tia ya, an lo aŋ ru apani san man fun an tia ya. <sup>39</sup>Gug Pasova tumanek san nal lo, aŋsiganem kagin anaŋar kisaek lo agane dan, tamol kisaek subanek lo ŋupasip ŋupanaŋ a. Ago yak niŋen o aŋ Juda sam kiŋ en ŋupasip ŋupanaŋ o abol di?”

40 In fon disasaig igo duwagin, “In tia ya, gidad Barabas mi pasi panama!” Barabas in ager san tamol, imug Juda adi aenta Rom gabman diabi idu wo yu diabisa ya, ago dugo in lulunad lo Barabas imado ya.

**19** 1 Ago man Pailat ibol dugo, inſan yu tamol adi Jesus dijaneg lubum nam dufuni a. 2 Yu tamol adi mel bukorkor igo dudurun anda yak ditiladeg, kabuſan fo disisi idu dugo, yamel daran ak nam tinin dubuluwi a. 3 Agog Jesus sinjiren na diau dumul dugo, kukokan diganeg naon dufuteg dupeig dubol, “Per o, Juda sad kin!” In ago dubol dugo in naon dufuni se ya.

4 Ago gug Pailat fon naod na kuai te ilasag, ibol irupudai, “Ale, űai inſan saian ta lo muruan isini san űile man tia geig a. An ninen o naom na kuai te űigane ilasa da.” 5 Jesus gumuran fo kam dudurun anda gubak mi ditilade yan disisi idug, yamel daran ak tinin fufo yen dugo, kuai te ilasa ya. Agog Pailat ibol, “Ale, tamol en nek ebo ya!”

6 Ago gug pris gurman adi in tempel san titianek adi da Jesus dileg duwagin go dubol, “Aigim fo abali mok abali!”

Gug Pailat ru naon irupidai, “űai in lo saian ta űile man tia geig a. Ago yak ninen o ansem anane aup, aigim fo abali.”

7 Ago tag Juda adi igo dubol, “Maſsama kubiaen ta yen dan lo man, in imat mok a. Man dugo, in Anut Nanun mok ago ibol a.”

8 Pailat ru ago ilon go, ilon tubun mi irer se ya. 9 Ago tag Pailat in fon Jesus ida ab lo diladug isumiani, “On sauta mok a? Onse fu ubol pe űalon.” Gug Jesus ru naon ta irupeſi man tia ya. 10 Agog Pailat ibol, “On ata wo űai awag ta wabi na dak i? Ulon, űai dabai ag da ya. űupaso wo űabol tap, űupaso wa. Tia, aigim fo űie bani űubali wo űabol tap, űubali wa. On űaisag fug ta ulon na yak i?”

11 Jesus ru naon igo ibol, “Anut dabai ipanog lo on ka űai bilag űadu san. Tia dop, on mel ta saian ak giniag san dabai ama tia ya. Fun amaiak ninen o, tamol a űai on tuo lo iginiag an, inſan aupasek onsa aupasek en irinani a.”

12 Pailat ru an ago ilon tag, irut irer saian geig go, Jesus ipasi wo dal an aban yabi se ya. Gug Juda adi disasai duwagin dugo dubol, “On tamol en pasip yau tap man, on Kaisa turan tia geig a. Tamol ta inſen kin ak ibol dan man, Kaisa naon dal ifou da.” 13 Pailat sisein tubun mi ago ilon tag, iladug, Jesus kuai te iganeg ilasa. In ru tulek tamol<sup>8</sup> san badim fo imasi a. Aben an yanan Pat Aten dubol da, Hibru ru lo Gabata dubol da. 14 Gamu man tumanek tubun san anan kubunek nal idu wo da.

Ad titinaem mi dugo Pailat Juda adi igo ibol irupidai, “Ale, ananem kin nek ebo ya!”

15 Gug Juda adi igo dubol duwagin, “Ganep ideg yau! Ganep ideg yau! Aigim fo bali!”

<sup>8</sup> Jas

Ago tag Pailat isumianai, “Anj ñai aňanem kiň aigim fo ñibali wo abol di?”

Agog pris gurman adi ru naon igo dubol, “Manj kiň taida man tia geig a. Kaisa sen kisaek o lian mi a!” <sup>16</sup>Pailat ru ago ilonj tag, Jesus aigim fo dubali wo ipidinai a.

### **Jesus aigim fo dubali a**

*Mat 27:32-44; Mak 15:21-32; Luk 23:26-43*

<sup>17</sup>Agog Pailat san yu gurman adi Jesus diňaneg, iňsinanen aigim isinig, dida Jerusalem dibiseig diaug, aen ate tan biňaboň ta, yaňan “kabuňan kapen san aben” dubol dan ate dilasa. Hibru ru lo yaňan Golgota dubol da. <sup>18</sup>Aben ante Jesus aigim fo dubali a. Nal an lo tamol uraru an dam iň Jesus ida sisem dubalai a. Uraru an giranen ananaem dubalai idu dugo, Jesus iň titiňae mi dubali a.

<sup>19</sup>Aria, Pailat ai lapan fo girek ta ago ibol igire, “Jesus Nasaret tamol, iň Juda sad kiň.” Girek an aigim gumuran fo dubali a. <sup>20</sup>Iň Hibru, Latin, Grik ru lo igire ya. Aben a Jesus ate dubali an man Jerusalem giranen na ya, an niňen o Juda wei mi girek an dusuti se ya. <sup>21</sup>Man niňen o Juda sad pris gurmadi Pailat igo durupe, “Oň Juda sad kiň ago ubol gire umoi. Tia, ‘tamol en iňsen ñai Juda sad kiň ibol’ ago mi gire.” <sup>22</sup>Gug Pailat ru naon igo ibol, “Mel ñai ñigire yan ñai ñigire ya. Nek ago mi yen a.”

<sup>23</sup>Yu tamol Jesus aigim fo dubali la gug, tinin fufo iňanen yamel kulos an digalai idug, anen anen duburoug malan iwoiwo didiri a. Kulos ta fidian mi, awan ta duwei na ya, <sup>24</sup>an niňen o ago dubol, “Id en ta tisire na wa. Tia, en yen dop, id ate satu takok dop, ta iň isiňani tap iňane wa.” Yu tamol kulob a digane yan gubak mi ru girek lo yen amaiak nuňon digane ilasa ya. Girek ago ibol,

“Iň ñaisag kulos duwaeg disini gug,

kulos ta awan fidian man ate satu dukok a.”

An lo yu tamol adi ago digane ya.

<sup>25</sup>Jesus tinan, iňanen tein, Maria Klopas iwon, Maria Magdala san pein, pein iwoiwo yan iň Jesus san aigim fun na sumeik mi dutur a.

<sup>26</sup>Aria, Jesus tinan ile, megeloum a iň o imat dan tinan da sisem dutur dugo yil tag, tinan irupe, “Nei, oňane nanuk ule!” <sup>27</sup>Agog fon megeloum an irupe, “Ule, an oňane tina.” Ago tag nek nal antem megeloum an tinan Maria iňaneg ida sen nuab lo diaug, kaginan igane se ya.

### **Jesus imat a**

*Mat 27:45-56; Mak 15:33-41; Luk 23:44-49*

<sup>28</sup>Aria, Jesus iňsan urat fidian iganeg itout an ilonj go, Anut anen ru girek ta wagam yen an nuňon ilasa wo igo ibol, “Iñai you o ñamat da.”

<sup>29</sup>You kapen ta wain gigen aman da yak lo yen a. Ago tag mel ta beig



san titaliŋ ago yak dijaneg, wain gigen an lo disominig, ai ate dufoug, duwate isidag, Jesus awan lo diganeg, isupupi. <sup>30</sup> In an itunali gug igo ibol, “Itout a.” Ago ibol go gumuran imagor paon fo idu dugo ntutun ibiseig ilasa ya.

<sup>31</sup> Nal a Jesus imat o man, soubul dukubune san melmel digane se ya. Sabat nal idu wo sumeik dan in nal tubun mok a. Ago tag Juda adi tamol utol an susanudi aigim fo dien san dumoi. Man niŋen o diaug, Pailat igo dusumiani, “On ubol pe yu tamol aenta dinaip, n̄ied dubalsisinip, ririan dumat dop, susanudi ka dupasai idu wa.” <sup>32</sup> In awok ibol tag, diaug, tamol uraru Jesus giran̄en na dubalai an mi n̄ied dubalsisinig dumat a. <sup>33</sup> Ago gug Jesus dile yak man, in imat la yan niŋen o dumoig, n̄ien ta dubalsisini na ya. <sup>34</sup> Gug yu tamol kisaek yu in̄aneg, yaug, isou isidag, Jesus giran̄en isowae dugo, you dar da sisem dudu kisaek on a. <sup>35</sup> Talpein enti, in̄san leil lo melmel e ilasa yen fidian nīnedi wo kuai te ibol ilasa yen, in̄san ru an rumok geig a. In ru rumok mi in̄iŋen̄ da, ago dugo in ru rumok ak mi in̄iŋen̄ dan ilon̄ da. Ru e igire den, aŋ Jesus o ilom lo rumok san niŋen o igire da. <sup>36</sup> Mel e gamu ilasa den man wagam Anut girek lo ibol ak ago mi nuŋon igane ya. Ru an igo ya, “In̄san tatu ta kisaek dubalsini man tia ya.” <sup>37</sup> Agod ru taidam igo ya, “Tamol a yu nam disowae an leil dupani wa.”

**Jesus san sisanun pat gubaran lo digane a**  
*Mat 27:57-61; Mak 15:42-47; Luk 23:50-56*

<sup>38</sup> Gurai idu dugo Josef, Arimatea panu san tamol an Pailat san na yaug, Jesus san sisanun in̄ane wo isumiani. Josef dam in̄ Jesus ilon lo rumok a. Ak man Juda nīnedi wo irer an niŋen o ilon lo mi imianuk on̄ itor se ya. Pailat awok ibol tag, Josef imul yaug sisanun an in̄ane ya. <sup>39</sup> Nikodemus, in̄ wagam tidom ta lo Jesus san na yau amaiak, gamu guren̄ mumalun uyanan ak isinig ipalu ya. An san muruan kitek 30 kilogrem igo won̄ a. <sup>40</sup> Juda sad kagin lo Jesus tinin guren̄ nam diamisig, yamel dam guren̄ diabig, ate sisanun dubuluwig, dufoug, disare wo disini diau a. <sup>41</sup> Aben a Jesus aigim fo dubali an, giran̄en na sasau aben ta sumeik yen da. An ate pat gubaran dukubuneg yen da, pat gubaran an gamugo tamol ta ate disare ya. <sup>42</sup> Nal an Juda adi sad tumanek tubun ak melmel dukubune san nal sumeik a. An niŋen o tamol uraru an Jesus sisanun aben ante digane ya, man dugo, mutou an sumeikan yen a.

**Jesus fon kumaen imasa da ya**  
*Mat 28:1-8; Mak 16:1-8; Luk 24:1-12*

**20** <sup>1</sup> Sabat nal<sup>h</sup> itout go urat nal malan te an lo<sup>i</sup> Maria, Magdala pein an abaŋ mikinik anda mutou fun na yau. In̄ yaug pat gib awan

<sup>h</sup> Sarere    <sup>i</sup> Sande

ate dubalfutani an, itubuluk gigin na yaug yen dugo ile ya. <sup>2</sup>Ago tag in imaspalug, megeloum uraru, ta Saimon Pita, ta a Jesus niŋen o imat an, sad na yaug irupudai, “Idsad Tubun en dijaneg diau a. Dugon te digane man maŋ ta malon na ya, mutou an kawan yen da.”

<sup>3</sup>Ago tag Pita in megeloum an da aben an dubuseig, dumaspalug, mutou fun na diau a. <sup>4</sup>Uraru an sisem dumaspalug, diau ak gug, megeloum an in Pita naon yabi iriŋanig, in inug mutou fun na ilasag, <sup>5</sup>gib lo iyep ak man yamel kilaken linen nam diwei an mi yen dugo ile ya. Gug in mutou ilon lo ta iladu na ya. <sup>6</sup>Saimon Pita murna ipalu ilasag, pat gubaran ilon lo iladug, yamel kilaken a linen nam diweig ate Jesus dubuluwi an mi ile ya. <sup>7</sup>Ago dugo yamel milaen ate kabuŋan dutuani an dam kitek asau mi yen dugo ile ya. Yamel an dulumu ak sen kisaek yen dugo, linen kilaken man kitek asau mi yen dugo ile ya. <sup>8</sup>Agog megeloum a imug yaug ilasa yan, in dam pat gubaran ilon lo iladug, abaŋ nek ago mi ileg, ilon lo rumok a. <sup>9</sup>Nal an lo man inŋinan megeloum Jesus mateŋ lo imasa san ru Anut san buk lo yen an gamugo dulon a.

### **Jesus Maria Magdala pein an naon na ilasa ya**

*Mat 28:9-10; Mak 16:9-11*

<sup>10</sup>Agog megeloum uraru an dumul go aben dumado dan ante diau a. <sup>11</sup>Maria fon imul go mutou awan te itatad itur gug, itakoksig gib lo iyep go, <sup>12</sup>eŋel uraru kulos milkouk geig ak amad da sisanun yen ak aben na dumado dugo yil. Neinta niŋen na imado dugo, neinta gumuran na imado dugo ile.

<sup>13</sup>Uraru en Maria durupeŋ, “Nei, oŋ ata wo tata di?”

In irupidaig ibol, “Inaisag Tubun en digam go dugon te digane yak man nai ta nalon na ya.” <sup>14</sup>In ago ibol go idanŋa man, Jesus itur dugo ile. Gug in Jesus sen itur dan ta ilon na ya.

<sup>15</sup>Jesus irupeŋ, “Nei, oŋ ata wo tata di? Enti aban wabi di?”

Maria ilon lo tamol en sasau an san titianek tamol ta ibol go isumiani, “Tubun en, oŋ naneg dugon te sini wau an, rupaiag pe, naup niŋane wa.”

<sup>16</sup>Jesus awan yabig ibol, “Maria.”

Maria idanŋasag, Hibru ru lo iwagiŋ go ibol, “Rabboni!” (Ru an fun man: girek maŋau.)

<sup>17</sup>Maria Jesus yabi wo igane dugo in imoig ibol, “Oŋ nai biag umoi, man dugo, nai Bai san na gamugo nau da. Ak man oŋ waup, teig taog nai ago nabol ak ubol rupudai, Inai lak na Bai san na namul nau o da. Inaineg Tamag en anŋsam Tamami, naineg Anut en, an dam sam Anut, amaiak san na namul nau o da.”

<sup>18</sup>Man niŋen o Maria Magdala pein an yaug, megeloum irupudai, “Tubun en niŋe la ya!” Agog Jesus san awan aban an dam irupudaig dulon a.

### Jesus megeloum naod na ilasa ya

*Mat 28:16-20; Mak 16:14-18; Luk 24:36-49*

<sup>19</sup>Nal nek a ubou guraian megeloum inj Juda nijedi wo direr go, ab lo dumado dan dalawan fidian dufutanai idug, ilon lo mi dumado dugo, Jesus lulunad lo ilasag, itur dugo igo ibol irupudai, “Anj maror am da amado wa.” <sup>20</sup>Inj ago ibol dugo, banin giranjen dam ikubiai pidinai a. Agog megeloum injaned Tubun en dile yak ninen o uyasusai tubun mi digane ya.

<sup>21</sup>Jesus fon irupudai, “Anj maror am da amado! Bai naj idinag go tan na npalu ya, nek ago mi naj an njidirañ pe, urat lo au a.” <sup>22</sup>Inj ago ibol dugo, ur iwi pidinaig, igo ibol, “Injai Urgun npunanaj da. <sup>23</sup>Anj tamolpein injaned aupasek apare idu dop man, Anut dam aupasek an ipare idu wa. Ak gug an injaned aupasek ta apare idu na dop man, Anut dam ta ipare idu na wa.”

### Tomas Jesus ile ya

<sup>24</sup>Aria, nal a Jesus megeloum sad na ipalu yan Tomas, inj yanan neinta Didimas, inj dida ta dumado na ya. <sup>25</sup>Murna gug Tomas ipalu dugo megeloum aenta durupei, “Manj Tubun en mile la ya.” Gug Tomas igo ibol irupudai, “Injai ilog lo ta rumok na ya. Najiseg banin bitaten njilep, banig yaup, giranjen dam yu aben nusuep njile gup man, naj ilog lo rumok a.”

<sup>26</sup>Murnag nal 8 yau gug, megeloum Tomas dida sisem ab lo dumado yan, dalawan dufutanai pasi ak gug Jesus fon ipalug, lulunad lo itur go ibol, “Anj maror am da amado wa.” <sup>27</sup>Agog inj Tomas irupei, “Onjane bani wate ipalup, banig aten wabi ule. Ago dop bani wate ipalup giranjen dam suep ule. Onj ilo uraru mado umoi. Ilo kisaek naj o mi ilo lo rumok a.”

<sup>28</sup>Ago man Tomas ru naon igo ibol, “Onj najeneg Tubun en, najeneg Anut mok a!”

<sup>29</sup>Agog Jesus irupei, “Onj naj liag an ninen o ilo lo rumok a. Gug ta inj naj ta diliag na gug, naj o ilod lo rumok an, bar injaneg imado da.”

### Girek en san fun

<sup>30</sup>Jesus inj kulob girager aenta wei mi megeloum naod na igane idu se yan, girek en lo ta yen na da. <sup>31</sup>Ago gug girek e yen la yen an ale dop, an lo Jesus inj Kristus, Anut Nanun, an mi an ilom lo rumok o njigire ya. Agop an inj o ilom rumok an lo, inj yanan lo kumaen pempem yen san anjane wa.

### Jesus megeloum 7 naod na ilasa ya

**21** <sup>1</sup>Kitek murnag Jesus fon injanen megeloum adi aenta naod na kuai isi dugo dile ya. Mel an igo ilasa ya. <sup>2</sup>Jesus san megeloum

aenta, sed naod na Galili distrik lo dumul diau a. Inj yañadi en: Saimon Pita, Tomas, yañan neinta Didimas, Nataniel inj distrik Galili san panu Kana tamol, Sebedi nanun uraru, megeloum uraru taida mi sisem you saltek Tiberias san loñ ante dumado ya. <sup>3</sup>Loñ na dumado dugo Pita irupidai, “Ŋai iy o ŋau wo da.” Ago tag aenta durupe, “Id sisem tau a.” Inj diaug, wog lo dusuda gug, tidom an lo iy ta kisaek diñane man tia geig a.

<sup>4</sup>Salso idug ad isida wo itor dugo, megeloum adi wog lo urat digane se yan, tamol ta loñ na itur dugo dile. Ago gug tamol an Jesus boi, an ta ilod isou na ya.

<sup>5</sup>Agog Jesus igiai, “O turag muroug, añ iy amam da i?”

Inj awan diabig dubol, “Manj iy tia ya.”

<sup>6</sup>Inj fon igiaig ibol, “Añ iy dob an wog giranen won ak lo abili idup, iy añane wa.” Ago tag inj ibol ak atem ago digane ya. Agog dob an iy awan isag, muruan kasik, diraep isuda san tia ya.

<sup>7</sup>Agog megeloum kisaek a Jesus ninen o imat dan, inj Pita irupe, “An idsad Tubun ak inŋen.” Ago dugo Pita ru a “idsad Tubun ak” ago ilonj tag, urat kulos igali idug yen an fon kulos uyan ak idirig, you lo isokalik idug, Jesus san na yau. <sup>8</sup>Gug megeloum aenta inj wog lo dumado yan dufulanig, dob iy aman da yan diraeg loñ na dupalu se ya. Inj loñ na asau mi dumado man tia ya, tia, inj kitek 100 mita igo ya. <sup>9</sup>Inj dupalug, loñ na dusuda man, inj iy anañ bret da yai fo dien dugo dil a.

<sup>10</sup>Agog Jesus irupudaig ibol, “Iy gamu añane yen ta igo asini apalu.”

<sup>11</sup>Ago tag Saimon Pita wog lo isudag, iy dob iraeg ibili loñ na isuda ya. Iy tutubu yak wei mok dob lo disudag anuai an, sad sutek lo 153 igo ya, ago gug dob kitek imasirei man tia ya. <sup>12</sup>Agog Jesus irupudai, “Apalup anañ ani.” Megeloum ta “oñ enti?” ago ibol isumiani wak man ninen o direr a. Man dugo, inj fidian tamol an Jesus inŋen an dulonj uyan a. <sup>13</sup>Agog Jesus ipalug, anañ bret iñaneg, iwaeg ipidinai dugo iy dam ago mi igane ya.

<sup>14</sup>Aria, Jesus mutou lo imasag iñanen megeloum dile man saen uraru ya, ago mi gamu en saen taidam fon loñ na dile ya.

### **Jesus san sipsip Pita ifutuwai o ibol a**

<sup>15</sup>Dunuai itout gug Jesus Saimon Pita irupe, “Saimon, Jon nanun, oñ ŋai niñeg o umat den, melmel aenta e niñedi wo umat den iriñanai geig i?”

Agog Pita ibol, “Tubun en, oñ ulonj ak, ŋai oñ o ŋamat mok a.”

Agog Jesus ibol, “Oñ ŋaineg sipsip nanudi futuwai panag.”

<sup>16</sup>Agog Jesus fon ibol, “Saimon, Jon nanun, oñ ŋai niñeg o umat mok di?”

Pita ibol, “Tubun en, oñ ulonj ak, ŋai oñ o ŋamat da.”

Agog Jesus fon ibol, “Oñ ŋaineg sipsip kaginad gane.”

<sup>17</sup>Agog Jesus fon irupeig ibol, “Saimon, Jon nanun, oñ ŋai niñeg o umat di?”

Pita Jesus isumiani utol ak ninen o ilon tubun mi muruan go igo irupe, “Tubun en, on mel fidian ulon pasi a, an lo on ulon uyan ak, nai on o gamat da.”

Agog Jesus irupe, “On naineg sipsip futuwai. <sup>18</sup>Nai ru rumok nurupaio da. Imug on utor na man, let onse lua te fou ya. Agog dugon te wau o ilo ibol an ante mi wau da. Ak man murnap on tamol saiak gane gup, bani wate dop, tamol sen ak ta on lua te let ifou panop, aben on ate wau o ilo imoi an, ante diñilio wau a.” <sup>19</sup>Jesus ru a Pita irupe an man, murnap Pita dal dugo wonj lo imat pe Anut yanan yabisa san, ikubiai pani amaiak ninen o ibol a. Ru ibol itout go fon irupe, “On palup, ñieg aban uri wa!”

<sup>20</sup>Agog Pita idansag, megeloum a Jesus ninen o imat dan, patun fo ipalu dugo ile. Megeloum nek emaiak gubak mi Pasova tumanek san anan diani san nal lo, Jesus ida sisem dunuai dan, in Jesus titiren fo isapek go isumianig ibol, “Tubun en, enti mok on ager banid lo ibilo lasa wak i?” <sup>21</sup>Pita ile dugo Jesus irupe, “Tubun en, tamol en ninen o dugudo wak i?”

<sup>22</sup>Jesus awan yabig irupe, “Isop in imado yaup saen nai fon nupalu wak ago ilog yen tap, an onsa mel ak i? On masap nai ganurag a!” <sup>23</sup>Ago tag ru an ifurak go megeloum fidian lo yaug, dulong gug Jesus ru ibol an awan dusupaleg, “Megeloum an ta imat na wak ago Jesus ibol an,” ago dubol a. Ak gug Jesus ago ibol man tia ya. In nek igo ibol, “Isop in imado yaup saen nai fon nupalu wak ago ilog yen tap, an onsa mel ak i?”

<sup>24</sup>Megeloum nek emaiak mel an fidian ile ilon go, gamu ru en igire da. Agod id talon uyan ak ru e igireg ifulale yen ru rumok a.

### **Ru wadan**

<sup>25</sup>Aria, Jesus kulob aenta wei mi igane idu ya, ago gug fidian girek en lo tia ya. Man dugo, naisag ilo sou igo ya, ru an fidian digire wo tap man, girek a digire yan fidian tan en lo didirip aben mi tia wak ago ilog isou da.